



**Hauptursachen alles Jrrthumbes im heiligen Abendmal, wie das heil. Abendmal vnser Hertz vnd Vertrawen auff das heilige Leiden Jesu Christi weiset. : Dargegen auch, wie der bo?se Feind eben durch das H. Abendmal, damit vns Christus zu seinem Leiden fu?ren wil, am allermeisten die Leut von dem heiligen Leiden Christi abzufu?ren sich vnterstehet, welchs die erste Hauptursach ist alles Mißuerstands im heiligen Abendmal**

<https://hdl.handle.net/1874/416672>

ga  
3  
Hauptursachen alles Irthums  
im Heiligen Abendmal/

Wie das Heil. Abend-  
mal vnser Herz vnd vertrauen auff das  
heilige leiden Jesu Christi weiset. Dargegen  
auch/wie der böse Feind eben durch das H. Abendmal/das  
mit vns Christus zu seinem leiden führen wil / am aller  
meisten die Leute von dem heiligen leiden Christi  
abzuführen sich vnterstehet/welchs die Ers-  
ste Hauptursach ist alles Mißuers-  
stands im Heiligen  
Abendmal.

Gepredigt vnd erwiesen auß Gottes wort/Durch Caspar.  
Oleuanum/diener des worts Gottes zu Heidelberg.



Gedruckt durch Johannem Mayer.

ANNO M. D. LXV.

Handwritten text, likely bleed-through from the reverse side of the page. The text is mirrored and difficult to decipher but appears to contain several lines of a letter or document.



Handwritten text at the bottom of the page, possibly a signature or date. The text is mirrored and difficult to decipher.

2

**Predig von der ersten Hauptursachen**  
alles irthumbs in den Heiligen Sacra-  
menten/vnd sonderlich in dem H. Abends-  
mal vnser HErrn Jesu Christi.

**D**ie erste vrsach vnd vrsprung  
alles mißuerstands im H. Abends-  
mal/wie auch in allen andern heilige Sa-  
cramentē/ist/ Das wenig leut wissen oder  
bedencken / das diß das ziel sey / dahin alle  
Sacramenten / vnd sonderlich das H. Abendmal/ vnser  
herren vertragen weisen/ Nemlich/auff das einig leiden  
vnd sterben Jesu Christi am stamm des Creuzes: Das  
allein/ allein sag ich/ in dem leiden Jesu Christi / vnd sonst  
nirgends die vergebung der sünden zu suchen sey / vñ dens-  
selbigen ( laut der verheißung Gottes ) gewißlich zugeeig-  
net werd die ires herren vertragen darauff setzen. Vnd daß  
die heiligen Sacramenten derselbigen grossen wolthaten  
gedechtnuß/sigill vñnd heilige warzeichen seind / die vnser  
vertragen / nicht auff sich selbs weisen / sonder vns bey der  
hand nemen vnd fort leiten / nemlich zu dem vnschuldigen  
todt Christi / daß er durch seinen vnschuldigen todt allein/  
alle vnser schuld/vnd sünden volkornlich bezalet/ vnd das  
ewig leben erworben/auch dasselbige einem jeden in sonder-  
heit/der sein vertragen darauff setzet / verheissen vñnd ge-  
schenckt hab/ so gewiß / als er für seine eigne person die hei-  
lige Sacramenten / als gewisse heilige warzeichen vnd si-  
gill darauff empfahet. Fragstu nu/Welches die aller höch-  
ste sünd

## Die I. Hauptursach

ste fürnemste vnd hauptursach alles misserstands im heiligen Abendmal sey: Geb ich dir zur antwort/das eben das die größte vnd hauptursach sey/die der böse feind von anfang in allen Sacramentē gebraucht hat/nemlich/Das er eben durch die mittel der heilige Sacrament /durch welche Gott/vns zu dem leide Christi weisen wil/die leut von dem leiden Christi abweist / so doch Gott die Sacrament hat eingesetzt / das er durch dieselbe / wie auch durch sein Wort die gleubigen zu dem leiden Jesu Christi weisen wil/das sie in dem leiden vnd sterben Christi allein/vnd sonst nirgends vergebung der sünden finden vnd empfangen/so sie in iren herzen darauff vertrauen.

Wie nu Gott durch seine verheissung vnd Sacramenta von anfang aller gleubigen herzen gewiesen hab auff das leiden Jesu Christi / auch noch bis zum end der Welt darauff weist / das vns nemlich / durch das einige leiden Christi allein/vergebung der sünden verheissen sey / vnd durch ein wares vertrauen allein vns applicieret/oder von vns angenommen werde: Dargege auch wie der böß feind/von anfang die leut von dem leiden Christi abgezogen hab/vnd noch heutiges tags abziehe eben durch die mittel der heiligen Sacramenten/durch welche Gott/vnsere herzen zu dem leiden Christi ziehen wil / wollen wir auß Gottes wort erklären vnd beweisen.

Die erste verheissung im Paradeiß / weist vnser ersten eltern Adams vnd Eua zuersicht vnd vertrauen auff das ferssen stechen/welches des Weibs samē Christus von der Schlangen solte leiden / vnd durch das leiden dem Teuffel den kopff zertretten/das ist/in allen gewalt vñ krafft nemen/  
men/

men / in dem er für vnser Sünden / durch welche er macht  
 vber vns bekommen hatt / mit seinem vnschuldigen leiden  
 dem gerechten vrtheil Gottes bezalet. Denn also lautet die  
 verheissung: Ich wil (spricht der H. Er zu der Schlange) Genes. 3.  
 feindschafft sehen zwischen dir vnd dem weib / vnd zwischen  
 deinem samen vnd frem samen / Derselb soll dir den kopff  
 zertretten / vñ du wirst in in die fersen stechen. Darauß kan  
 stu nu leichtlich sehen / daß Adam / Eva / Abel / Seth / vnd  
 andere ire nachkommen / die jr vertrauen auff die verheis-  
 sung Gottes von dem leiden Christi / gesetzt haben / die ha-  
 ben auch durch denselbigen glauben auff das zukünfftige  
 leiden Christi vergebung der Sünden / ware gerechtigkeit /  
 vnd ewiges leben / in ihrem hertzen gehabt / eben so wol / als  
 wir haben durch den glauben vnd vertrauen auff das lei-  
 den Christi / das nu vor tausent / fünffhundert vnd mehr  
 jaren geschehen ist. Denn das leiden Christi hat für dem  
 angesicht Gottes zu Adams vnd Eva zeiten / ja von ewig-  
 keit her seine krafft gehabt / wie in der Offenbarung Jo-  
 hannis geschrieben stehet / daß die Namen der außewelten Apoc. 13.  
 geschrieben seind in dem buch des lebens des Lambs so ge-  
 schlachtet ist von anbegin der Welt. Darauß zusehen ist /  
 daß der tod Christi der noch zukünfftig war / allezeit für dem  
 angesicht Gottes gegenwertig vñ krefftig gewest sey: vnd  
 derselbige tod Christi / hat in ihren hertzen / durch Gottes  
 gnad in festem vertrauw gewircket / vergebung der sünden /  
 freud in Gott / vnd lust vnd lieb zu aller danckbarkeit. Dar-  
 gegen were dem Adam diese verheissung kein nütz gewest /  
 heit auch keine vergebung der sünden empfangen / wenn er  
 mit sein vertrauen vñ hoffnung auff das leiden Jesu Chri-  
 sti ge-

## Die I. Hauptursach

si gesetzt hett. Denn keine andere von Adam an bis zum  
 jüngsten gericht zu / des leidens Christi vnd dardurch der  
 verzeihung der sünden theilhaftig werden / denn die es mit  
 warem glauben vnd vertrauen jres herzen haben angeno-  
 men / vnd noch annehmen werden. Den gleich wie es dich  
 nicht gesund macht / das du ein köstliche arznei oder salb  
 habst auff dem schanck stehn / sonder du must dieselbige auff  
 die wunden legen / also hats auch ein gestalt mit der einigen  
 vnd thewren Arzneyen der seelen / nemlich / dem H. leiden  
 Christi / dardurch allein alle die jenige von dem biss vnd  
 wunden der giftigen Schlangen von Adam an bis zum  
 Jüngsten tag seind geheilt worden / vnd noch geheilet wer-  
 den / die mit glaubigem herzen durch Gottes gnad solches  
 leiden haben angenommen vnd noch annehmen. Auß die-  
 sem sehen wir / wir die verheissung Gottes von der verge-  
 bung der sünden / des Adams vertrauen weistete / auff das  
 leiden Jesu Christi / vnd Gott wil das das herz seiner ver-  
 heissung festiglich glaube vnd vertraue.

Genes. 3.

Die sünd aber macht ein böses gewissen / vnd ein zag-  
 hafftiges herz / welches von Gott fleucht / wie man im  
 Adam sihet / auch ein vnuerstendiges vnd vergessen herz /  
 das die zusag vnd verheissung Gottes entweder gar nit ler-  
 net verstehn / oder dieselbige jm gar bald lest entsincken.

Darumb lest es Gott bey dem wort der verheissung nit  
 bleiben / sonder verordnet Sacrament vnd sigill da mit ja  
 das blöde gewissen soll gewis sein / das er nu durch das lei-  
 den Christi wölle gnedig sein: Ja das der arme mensch das  
 selbige in sichtbaren dingen teglich / nit allein verstehn / son-  
 der gleich als mit augen sehen / vnd mit den henden fülen  
 vnd

vnd greiffen / vnd also in frischer gedechtnuß behalten mös-  
 ge. Es solt wol billich Gott vnser HErr vnd Schöpffer so  
 viel glaubens bey Adam vnnnd anderen Menschen seinen  
 Creaturen haben / daß wann er vns nur winket / oder ein  
 wort zusagt / wir im solten vertrauen / wenn er vns gleich  
 keine brieff vnnnd sigill drauff gebe / Aber wie jetzt gesagt / er  
 wuste wol wie blöde vnnnd schewe des Menschen gewissen  
 worden war / durch das giffit der alten Schlangen / daß es  
 Gott wie gut ers auch mit im meinet schewet / als einē feind.  
 So wust er auch / wie sehr des Menschen verstand verfin-  
 stert / vnd sein gedechtnuß verderbt war. Darumb müssen  
 wir ein sonderliche gütē Gottes in dem erkennen / das ob  
 schon sein wort bey vns glaubwürdig sein solt / doch er sich  
 vnser schwachheit zu gut / die wir doch seine feind waren /  
 einem jeden in sonderheit mit brieffen vñ siegeln verpflich-  
 ten wil / daß er vns durch das versprochen vnd nu geleistet  
 leiden Christi die sünden gewißlich vergebe. Derwegen  
 Gott der Herr die heilige Sacramenta / als eusserliche hei-  
 lige vbungen vnd versiglungen / darumb an das wort der  
 verheißung geheftet / daß er durch vnser augen vnd an-  
 dere sinne eben das dem hertzen zuuersehen / zuuertrauen /  
 vnd allezeit zu gedencen geb / daß er im durch die ohren zu-  
 uorn hat zuuersehen geben vnd versprochen / nemlich / daß  
 ein jeder insonderheit durch kein ander ding / denn durch  
 das einige leiden Christi am Creutz / so er sein vertrauen  
 drauff setzet / verzeihung der sünden / vnnnd fried mit GDe  
 hab / so gewiß als er das sichtbar pfand zur versicherung vñ  
 gedechtnuß empfahet.

Wiltu nun wissen wie die Dpffer / welche Sacramenta  
 oder



## Die I. Hauptursach

Genes. 4.

oder heilige warzeichen waren/ das vertrauen/ vergebung der sünden zu erlangen/auff das leiden Jesu Christi gewiesen haben? So stell dir für die augen das opffer Abels/da er ein lamblin Gott dem HErrn schlachtet. Diese vbung war im ein gewisses Sacrament/das ist/ so ein heiliges gewisses warzeichen/ als wenn sin Gott ein besonder zeichen auß dem Himmel geben hett/ dabey Abel solt verstehen/ vertrauen vnnnd gedenccken/ daß er/der da solt von seiner sünd wegen des ewigen tods ermordet werden/ durch den glauben vnd vertrauen auff das leiden vnd sterben Jesu Christi/ gewißlich vergebung seiner sünden hett/ vnnnd gestreiet were vom ewigen todt. Da sihestu/wie das Gott/ das heilig Sacrament/das Opffer Abels nit dahin brauchet/als wenn Gott seiner erste verheissung das nemlich/des weibs samem/dem Teuffel durch sein leiden würde den Kopff zerretten/vnd also vergebung der sünden erwerben/ vergessen were/vñ wolte nu den Abel in des lambs todt/welches er opffert/ lehren vergebung der sünden suchen/sonder das er dem Abel/durch des Lambs todt/wil an bilden/den todt des rechten lambs Gottes/vnnnd seinen glauben/ gleich als mit der hand/zu dem vnschuldigen todt Jesu Christi leiten/daß ihm durch desselbigen Christi todt/so gewiß vergebung der sünden verheissen vñ geschenckt were/ so gewiß er im glauben/auff den todt Christi/nach Gottes ordnung das Lamblein erwürget vnnnd schlachtet/zum warzeichen vnnnd gedechtnuß des zukünfftigen opffers. Denn dieweil Abel von Gott zeugnuß hat bekommen/daß er gerecht sey/wie geschrieben stehet im 11. Cap. an die Hebreer/da Gott zeugete/von seiner gaben/So muß folgen/daß Abel in seinem Opffer

Heb. 11.

## Alles irthumbs im Abendmal.

5

Opffer durch waren glauben gesehen hab auff die verheißung von dem leiden Jesu Christi / durch welches allein wir act. 13. gerecht werden von vnsern sünden. Dis ist meines erachtens leicht zuuersehen. Darumb nennet auch Johannes der Teuffer Christum / Das Lamb Gottes das der Wele Iohan. 1. sünden tregt / Dieweil die lãmblin so man opffert / nit selbst vergebung der Sünden in sich verborzen hatten / sondern Sacramenta vnnnd anbildungen waren des vnschuldigen vnbesleckte lambs / welches allein am Creuz solt geschlachtet werden / vnnnd auff seinem rucken alle vnser sünd vnnnd den last des zorns Gottes / vnter dem alle menschen hetten müssen versincken / für vns ertragen vnnnd hinweg nemen / Dis sag ich ist leicht zuuersehen.

Nu wil ich weiter anzeigen / wie sich der abgesagte feind des menschlichen geschlechtes / von anbegin hab beflissen / das er des menschen hers vnnnd vertrauen abwendete vnd abzöge von diesem einigen weg der vergebung der sünden vnnnd ewigen lebens / nemlich von dem leiden Christi / auff einen andern nebenweg / vnnnd wil dasselbig außfüren / mie der hülff Gottes / von Abel an bis auff die zukunfft Christi in diese Welt / wie auch nach der zukunfft Christi / der Satan denselbigen ranck noch brauche vnd practicire / das er eben durch die ding vnd mittel / die Gott eingesetzt hat / vnsern verstand / vertrauen vnd gedechtnis / auff das leiden Christi zufüren / Die menschen von demselbigen leiden / am allermeisten abfüret.

Zum ersten / stell dir für die augen / beider ersten Brüder Opffer / des Abels vnd Cains. Gott nimpt des Abels opffer an / des Cains aber nit. Die ursach zeigt die Epistel an

B

die

## Die I. Hauptursach

- Heb. 11. die Hebreer an / daß des Abels opffer / war im glauben geschehen. Nu ist es aber gewiß / daß der glaube schawet auff das leiden Jesu Christi. Derhalben so hat Abel in seinem opffer im glauben gesehen / auff das opffer vnd leiden Christi / vnd durch dasselbige Gott gefallen. Cain aber / dieweil er nit im glauben opffert / wie die Epistel an die Hebreer bezeuget / so sihet er auch nicht in seinem Opffer auff das leiden Christi / sonder sihet nur auff das eusserliche werck. Daruff gefiel er vnd sein opffer Gott nicht / dieweil es nicht durch waren glauben gerichtet war auff das einige opffer Jesu Christi / durch welches allein wir Gott gefallen. Endlich
- Gen. 4. schlecht ein bruder den andern / nemlich Cain den Abel / vber dem ersten Sacrament zu todt / gewißlich auß eingebung des Sathans / der von anbegin ein mörder ist / welcher nit allein des Cairns hers schon von dem leiden Christi abgezogen hat / vnd auff sein eigen werck gewiesen / als solt Gots ein wolgefallen daran haben / sonder auch nit leiden künde / daß Abel durch waren glauben dem leiden Christi die ehre geben solt. Erwecket derwegen den Cain / der auff sein eusserlich werck sahe / daß er seinen bruder ermordet / der sein opffer im glauben richtet auff das leiden Jesu Christi / dar durch es Gott gefellig war. Also ist die Welt noch heutiges tags / in zween hauffen getheilet / Der eine hauff / sihet auff das eusserliche Werck / vnd nit allein auff das leiden Christi / Der ander schawet im glauben auff das einige opffer Christi / vnd dardurch gefallen sie Gott / müssen aber dar über herhalten / daß sie von dem andern hauffen / ihren eigenen brüdern / die sich vom Satan blenden / vnd von dem leiden Christi abfüren lassen / jämmerlich ermordet werden.
- Dieser

Dieser streit wird weren / so lang bis Christus am Jüngsten gericht ein end machen wird / vnd zeigen in wen sie gestochen haben. Matt. 24.  
Apo. 1.

Der Sathan helt seine art / hat er im anfang nicht kund leiden / daß Abel durch waren glauben / dem leiden Christi die ehr gebe / so wird ers gewislich zehunder viel weniger leiden / da so viel tausent Menschen im wort vnnnd brauch der heiligen Sacramenten / mit herglichem vertrauen / nicht dem eusserlichen werck / sondern dem aller heiligsten leiden Christi / alle ehr zuschreiben. Wenn wir alles / das dem leiden Christi gebüret / den eusserliche Elementen im brauch der Sacramenten zuschrieben / als vergebung der sünden / gemeinschaft mit Christo vnnnd das ewige leben / so würde vns der Teuffel wol vnangefochten lassen : Diweil wir aber durch die heiligen Sacramenten vnser hers vnd vertrauen auff das leiden Christi richten / vnnnd darinn allein vergebung vnserer sünden suchen / so müssen wir mit dem Abel herhalten. Es thut aber die Erd fren mund auff / vnnnd empfahet das blut der Christen / die vmb der warheit willen ermödet werden / vnd es schreiet nit weniger / denn Abels blut / rach zu Gott in den Himmel. Es gehet noch heutiges tags also zu / vnd she einer mehr Abgötterey mit den Heiligen Sacramenten treibt / vnd mehr dem leiden Christi seine ehr raubet / vnd den eusserlichen dingen zuschreibt / she er sicherer ist / daß er nit verfolgt wird. Wil er aber dem leiden Christi die ehr geben / so ist Cains Schweißkeül von stund an vorhanden vnd schlecht ihn zu boden / wie man im Pabstummb siset mit morden vnd verbrennen. Gene. 4.  
Psal. 74.

## Die I. Hauptursach

Was mag aber der Sathan mit im sinn haben / sprichstu / daß er in den heiligen Sacramenten die leut abzuecht von dem leiden Jesu Christi / vnd leß sie auff dem eusserlichen werck lieben? Antwort. Er weiß daß jm durch kein ander ding der kopff zertretten wird / denn durch das leiden Christi am stammen des Creuzes. Denn gleicher weiß wie er daselbst am aller bittersten den H. Erz Christum in die fersen gestochen hat / da er am Creuz gemartet vnd jm seine füß mit scharpffen neglen seind durchnägelt worden / also hat auch der H. Erz Christus daselbst am Creuz der alten Schlangen dem Teuffel / am hertisten den kopff zertretten. Den was sein leiden grösser gewesen / was er volkomlicher für vnser sünden bezalt / vnd also dem Sathan seinen gewalt / den er der sünden halben vber vns hatte / genommen hat. Darumb windet sich noch die alte schlang / wie sie kan vnd mag / daß sie den kopff dem Herren Christo vnter dem fuß vnd der verwundten fersen außwinde / vnd von dem heiligen leiden Christi sich aufdrehe. Den der alten schlang wol bewust ist / wenn der Mensch anders wohin sein hertz vnd vertrauen setzet / vergebung der sünden zuerlangen / denn auff das einige leiden Christi / daß derselbige vnter seinem gewalt noch bleibet / Welcher jm nit anders kan benommen werden / denn durch das leiden Christi / so wir dessen in warem glauben theilhafftig werden. Denn in der sünden alle macht des Sathans stehet / vnd aber durch kein ander ding vnter der Sonnen die Sünd mag vergeben werden / denn durch das bitter leiden Christi / so das hertz darauff beruhet.

Diß bezeuget die Schrifft hell vnd klar an vnzeligen orten /

ren / als Hebrer 2: Nach dem nu die kinder fleisch vnnnd blut Heb. 2.  
 haben / ist ers gleichermaß theilhaftig worden / auff das er  
 durch de todt die macht neme / dem der des todes gewalt hat  
 te / nemlich dem Scuffel / vñ ertlösete die / so durch furcht des  
 todes / im ganzen leben knecht sein musten. Item Jesa. 53. Iesa. 53.  
 Er ist vmb vnser Missethat willen verwundet / vnnnd vmb  
 vnser Sünden willen zuschlagen. Die straff ligt auff ihm /  
 auff das wir fried hetten / vnd durch seine wunden sind wir  
 geheilet 2c. Item am end desselbigen Cap. Vnnnd durch sein  
 erkentnuß wird er / mein Knecht / der gerechte viel gerechte  
 machen / Denn er tregt ihre sünden (nemlich am Creutz.)  
 Wie S. Petrus dasselbige erklet in seiner 1. Epist. im 2. 1. Pet. 2.  
 cap. Welcher (Christus) vnser sünden selbest getragen hat /  
 an seinem leib / auff das holz (nemlich des Creuzes) auff  
 das wir der sünden abgestorben / der gerechtigkeit leben. Colos. 2.  
 Item Colos. 2.

Du wöllen wir fortschreiten vnd anzeigen / wie der Sa-  
 than / auch in den andern Sacramenten diesen ranck ges-  
 braucht hab.

Gott hatt die verheissung so er zuuor dem Adam gege-  
 ben hat / erfrischet mit Abraham vnnnd diesen Bund vnnnd Genes. 17.  
 freundschaft mit jm gemacht / das er wölle sein Gott sein /  
 vnd seines samens nach jm / vnd Abraham soll auffrichtig  
 für jm wandlen. Item abermal dem Abraham geschworen / Gene. 22.  
 das in seinem samens sollen gesegnet werden alle völder der  
 Erden. Dieser bund nu oder freundschaft ware gegründet  
 auff das leiden Jesu Christi / durch welches allein die sünd /  
 welche feindschaft macht zwischen Gott vnd vns / hinweg  
 genommen wird / Wie denn auch diser same Christus war /

## Die I. Hauptursach

**Gala. 3.** vnd ist diese verheissung erfüllet worden im tod des Creuzes / welcher todt für Gott vermaledeiet war / auff das Christus vnser vermaledeitung auff sich neme / vñ vns mit dem segn vnd gnaden erfüllet / die dem Abraham verheissen war. Machet also diser same Christus durch sein leiden / das Gott vnser gnediger Gott ist / vnd wir sein volck sein / vnd gieng derwegen der bund oder freundschaft die Gott mit Abraham machet / auff die benedictung die vnns durch das leiden Christi widerfaret / Wie S. Paulus dasselbige am 3. Cap. an die Galater erkleret.

**Gene. 17.** Zur versicherung vñnd stetter gedechtnuß dieses Bunds vnd zusag Gottes / hat er das Sacrament der Beschneidung verordnet / damit anzuzeigen / das alles was in vnser natur ist / faul vnd verflucht sey / vnd damit wir einen ewigen bund vnd freundschaft mit Gott hetten / das die sünd auß vnser natur müste aufgefegt werden / durch das leiden vnd sterben des gebenedelten zukünfftigen samens Abrahams / welcher ist Christus Jesus / vñnd das solche gnaden so gewiß in iren herzen widerfare solt durch den glauben auff das zukünfftige leiden Christi / so gewiß sie eusserlich das sigill der gerechtigkeit des glaubens / nemlich die Beschneidung / an ihrem fleisch hatten empfangen / Wie Sanct Paulus lehret Rom. 4. Also weist die Beschneidung den glauben nicht auff sich selbst / als solt in der Beschneidung vergebung der sünden verborgen sein / sondern auff das heilige leiden des samens Abrahams Christi Jesu / durch welches leiden allein sie von allen sünden vñnd vermaledeitung beschnitten vnd gereiniget / vnd also zu freunden vñnd bundsgenossen Gottes angenommen worden /

wenn

Alles Irthumb im Abendmal. 8

wenn sie in ihren Herzen / durch waren glauben drauff ver-  
traweten. Was thut aber der böse feind? Er nimpt eben  
dasselbige mittel / nemlich die Beschneidung / dardurch sie  
Gott des leidens vnd sterbens Christi / vnd also der freunds-  
schafft die sie dardurch mit Gott solten haben / wolt ver-  
gessen / eben das mittel / sag ich! / dardurch sie Gott zu dem  
leiden Christi führen wolt / nimpt der Sathan zu handen /  
als ein Zaufenkünstler / führt eben damit jr vertrauen ab /  
von dem heiligen leiden Christi / vnd machet / daß sie ihr ver-  
trauen auff das eusserliche Sacrament der Beschneidung  
setzen / vnd glauben / durch die Beschneidung vergebung  
der Sünden zu haben / gerecht vnd Kinder Gottes zu  
sein / also stalt der Teuffel durch die Juden dem leiden  
Christi seine ehr / vnd gab sie der Beschneidung / vnd  
macht auß dem heiligen Sacrament der Beschneidung /  
einen schendlichen Abgott. Denn wenn die Juden nit die  
vergebung der sünden / auff die beschneidung gesetzt hetten /  
würde Sanct Paulus nicht so hefftig dargegen gestrit-  
ten haben / daß Abraham nicht aller erst / da er beschnitten  
ward / sondern vor der Beschneidung vergebung der sün-  
den / welches ist die ware gerechtigkeit / durch den Glauben  
empfangen hett. Roma. 4. Genes. 15. Damit auch der  
Sathan seiner Abgötterey ein farb anstrich / verblendet  
er die Juden / mit einem falschem verstand des ausdrück-  
lichen Wortes Gottes / Die Beschneidung ist der Bund  
Gottes / Ließ aber auß / daß darnach stehet im selbigen 17.  
Capitel / Daß Gott das Sacrament der Beschneidung  
darumb seinen bund oder freundschaft mit Abraham vnd  
seinen nachkommen / genennet hat / nicht daß es die freunds-  
schafft

Rom. 4.  
Genes. 15.



## Die I. Hauptursach

schafft vnd vergebung der sünden selbst were/sonder daß es ein warzeichen vnd sigill war / der freundschaft mit Gott vnd der vergebung der sünden/die sie durch ein wares verstrawen auff das zukünfftige leidē Christi des waren samens Abrahams in ihren herzen hatten. Dis alles schlug in der Sathan auß dem sinne/daß sie an das leiden Christi nit gedachten/ noch etwas nach warem glauben vnd bekerung zu Gott fragten / sonder blieben auff dem eusserlichen kleben/ vnd schrien: Wir seind beschnitten / wir seind kinder Gottes/Gott ist vnser Vater. Es antwortet inē aber Christus/ daß der Teuffel jr vater were/vnagesehen/daß sie das Sacrament der Beschneidung empfangen hatten / dieweil sie jr verstrawen nit auff Christum setzten der für sie solt den tod leiden/dardurch sie allein im warem glaubē die vergebung der sünden vñ die kindschafft Gottes solten erlangen. Darumb dringt der heilig Paulus so hefftig drauff an die Röm. am 4. Cap. daß Abraham nit durch das Sacrament der beschneidung / vergebung der sünden/ darin die ware gerechtigkeit stehet/empfangen habe: Sonder durch den Glauben/ehe daß er beschnitten ward / hat er die vergebung der sünden gehabt / die beschneidung aber drauff empfangen/nit die vergebung der sünden dardurch aller erst zu bekommen/sonder zum siegel der vergebung der sünden oder der gerechtigkeit die Abraham empfangen hat durch den glauben ehe er beschnitten ward. Auch thut S. Paulus im selbigen 4. Cap. hinzu/daß dis nit allein vmb Abrahams willen geschrieben sey / sonder auch vmb vnsern willen / damit er leret/daß dieselbige lehr auch vns vnd vnser Sacramenta angehet.

Johan. 8.

Siehe nu

Siehe nu an das newe Testament/ob es nit eben also zu-  
 gehe. Weiset vns nit der heilige Tauff auff das Blut Jesu  
 Christi/welches er in seinem bitterm leiden zur abwaschung  
 oder verzeihung vnser sünden für vns die an in glauben/  
 vnd für vnserer kinder vergossen hat? Wie S. Johannes  
 sagt in seiner j. Epistel am j. Cap. Das blut vnseres Herren  
 Jesu Christi reiniget vns von allen sünden. Ja ich frag  
 dich/wenn alle die wasser in der welt zusamen gethan / oder  
 einig ander ding die sünden hetten mögen abwaschen/wür-  
 de nicht der Himmelsch Vater seines eingeliebten Sohns  
 verschonet haben / vnd nit mit solchem grossen leiden sein  
 blut haben lassen vergiessen / zur abwaschung vnser sün-  
 den? Auß diesem leichtlich zusehen ist/das das eusserliche  
 wasserbad des heiligen Tauffs/nicht darumb ist von Chri-  
 sto eingesetzt / auch nit darumb die abwaschung der sünden  
 genant wird / in dē geschichten der Aposteln am 22/<sup>Act. 22.</sup> das wir  
 durch das eusserliche Wasser oder sprechen der wort/solten  
 vergebung der sünden haben / sonder das es vns ein heilts  
 ges warzeichen vnd sigill sein soll / damit er vns als bey der  
 hand zu seinem heiligen leiden vnd blutuergiessen füren  
 wil/das nemlich wir alle vnd jede Christgleubige herken so  
 gewiß durch sein leiden gewaschen sein / innerlich von dem  
 vnflat vnserer sünden / vnnnd die gnad des heiligen Geists  
 empfangē haben / so gewiß als wir eusserlich mit dem tauff-  
 wasser begossen seind. Das wir nu vnser ganzes lebenslang  
 das leiden Jesu Christi / in vnsern herken sollen nachtra-  
 gen / durch waren glauben / auff dasselbige leiden Christi/<sup>1.Co. 1.</sup>  
 allezeit in vnsern herken wirckē vergebung der sünden/vnd  
 ware absterbung des alten Menschen/bis das wir gantzlich  
 E  
 ernewere

## Die I. Hauptursach

Eph. 4.

ernewert werden / zu dem neuen Menschen der nach dem  
ebenbild Gottes erschaffen ist / inn warhafftiger heiligkeit  
vnd gerechtigkeit / Ephes. am 4. vñ am 5. Wie viel findes  
sie sehen tauffen / den das durch das Tauffwasser vnd spre-  
chen der wort / dem getaufften die sünd verzeihen werden /  
gedencken nit an das leiden vnd blutergiessen Jesu Chris-  
ti / So doch das leiden Christi allein die Sünd hinnimpe  
durch die gnad des heiligen Geists vñnd das Tauffwasser  
samit der verheissung Göttliches worts / daruff von Chris-  
to eingesezt ist / nit das er vns von seinem leiden auff das  
wasser weise / sonder das er durch das wasser / als ein heilig  
Göttlich warzeichen vnd sigill / vnseren glauben auff sein  
reines vnschuldiges leiden weiset / das nemlich gleich vnd  
so gewiß als wir in seinem Namen mit dem Element des  
wassers / welches die leibliche vnreinigkeit pflegt hinweg zu  
nehmen / getaufft sein / also auch vñnd so gewiß seind wir  
vnd alle glieder der kirchen gereiniget allein durch das lei-  
den vnd blutergiessen Jesu Christi / welches vns durch die  
krafft des heiligen Geistes zugeeignet wird. Zu dem / wie  
wenig sind man auch deren die da einmal mit ernst gedech-  
ten / das sie schuldig seind den bitteren todt vnd leiden Jesu  
Christi / darauff sie getaufft sind / alle die tag sres lebens in  
srem herzen durch waren glauben nach zu tragen / das sie  
dardurch ein ewige vergebung der sünden vnd versöhnung  
mit Gott in srem herzen besitzen / das sie auch in warer buß /  
durch die krafft des tods Christi die sünd in srem sündlichen  
fleisch sollen tödten / alle die tag sres lebens in einem neuen  
leben mit Jesu Christo auff zu erstehen / Wie S. Paulus  
lerce

leret Rom. 6. vnd S. Peter 1. Epistel 3. Cap. Wenn wir nit <sup>Rom. 4.</sup>  
mit sehenden augen mutwillig blind sein wollen / so sehen <sup>1. Pet. 3.</sup>  
vnd greiffen wir mit der that vnd mit der erfahrung auß der  
verachtung aller trewer warnungen vnd dem sewischen  
veruchten leben / daß weder buß noch vertrauen auff das  
leiden Jesu Christi in viler herzen ist. Denn wo das leiden  
vnd der todt Christi in jren herzen were / würde es gwiß nit  
müßig sein / sonder die sünd tödten / vnd den altē menschen  
creuzigen. Wo nu kein ware buß vnd glaub folgt in denen  
die zu jren tagen kommen / vñ also von diser welt scheiden/  
dienet das eufferliche bundzeichen der heilige Tauff nur zur  
größerer verdammnis / dieweil sie den Bund Gottes durch  
vnglauben vnd Gottloses leben entheiligt / vnd also das  
leiden Jesu Christi verstoßen vnd verachtet / ja das blut des  
Testaments verunheiligt haben / Hebrer 10. Wo kompts <sup>Heb. 10.</sup>  
aber anders her / daß so viel Christen / die auff den Namen  
Christi getaufft seind / sich jres Tauffs so vbel gebrauchen /  
den daß sie jre augen abwenden von dem leiden Jesu Chri-  
sti vnd mehr auff das eufferlich tauffen sehen / so doch Chri-  
stus das eufferliche wasserbad hat eingesezt / daß er damit  
die augen jres herzen all jr lebenslang zu seinem heiligen lei-  
den vnd blutuergiessen wenden wil. Lassen sich derhalben  
den Teuffel blenden / daß sie nicht anders meinen / denn daß  
sie durch die krafft des eufferlichen wercks im Tauff verge-  
bung der sünden vnd ewiges leben haben / lassen fallen buß  
vnd glauben .

Gehe in dein eigen herz / vnd bedenck / ob es nit heutiges  
tags mit dem Sacrament des heiligen Tauffs zugehe / wie  
vorzeiten mit dem heiligen Sacrament der beschneidung /

## Die I. Hauptursach

Colof. 2. an welcher statt der Tauff ist eingesezt/ Coloss. am 2. Denn gleich wie der Teuffel vorzeiten den ranck gebraucht hat/ daß er die Jude/ eben durch das Sacrament der Beschneidung / durch welches Gott ihren glauben auff das leiden Christi weisen wolt/ daß durch dasselbige leide Christi/ allein ihre herken von der vnreinigkeit der sünden beschnitten vnd gesaubert würden in warem glauben vñ bekerung zu Gott/ eben dasselbige Sacrament vñnd mittel / sag ich / nam der Teuffel zuhanden/ kerts vmb / vnd weisete die leut damit ab von dem leiden Christi / vñnd blendet sie / daß sie auff das eusserliche werck vertraueten / als solte der Bund Gottes/ vergebung der sünden vñnd kindschafft Gottes darinnen verborgen sein / wider welches doch die Propheten hefftig schrien / daß sie ihre herken beschneiden solten.

Jerem. 4. Also thut auch der leidige Teuffel heutiges tags / daß er eben durch das heilige Sacrament vnd warzeichen des heiligen Tauffs / welches vns ein gewisses sigill ist/ damit vnser vertrauen auff das leiden vnd blutuergiessen Christi sol gewiesen werden / die leut am aller meisten von dem leiden Christi abweist auff das eusserliche Werck / daß sie daran kleben/ nach dem leiden Christi in warem glauben anzunehmen / dardurch allein vergebung der sünden vñnd ware seligkeit zu erlangen gar wenig fragen/ viel weniger nach den fruchten der buß trachten. Es ist nit vergeblich das Paulus sagt in dem 2. Cap. an die Röm: Das ist nicht ein Jud/ der außwendig ein Jud ist/ auch ist das nit ein beschneidung die außwendig im fleisch geschihet/ Sonder das ist ein Jud der inwendig verborgen ist / vnd die Beschneidung des herken ist ein beschneidung. Also ist es auch mit dem Sacrament

des

des heiligen Tauffs wie der heilig Apostel Petrus leret. 1. <sup>1. Pet. 3.</sup> Epistel 3. Cap. vnd S. Paulus/Colos. 2. Was sol man denn <sup>Colos. 2.</sup> wider solche grausame list des Teuffels fürnehmen / dieweil es ihm so glücklich von statten gehet / daß er eben durch die mittel die menschen von dem leiden Christi abweist / durch welche sie Gott darzu weisen wil? Gewißlich bessers kan man nichts vornehmen / denn daß man laut vnd klar das volck lere / daß sie die herze waschen durch das leiden Jesu Christi / im warem vertrauen / vñ mit warer buß von irem vichischen vñ schendlichen leben sich zu Gott bekeren / vnd daß sie nit gedencen / daß sie daruñ vergebung der sünden vñnd die seligkeit haben / daß sie eusserlich getaufft seind / wenn sie mit ihrem ganzen leben das leiden Jesu Christi schmechen vñ verleugnen / darauff sie der heilig Tauff weiset vñ sie dessen versichert. Wie denn auch die Propheten <sup>Jerem. 4.</sup> mit allem ernst / des volcks vertrauen von der eusserlichen <sup>9.</sup> beschneidung auff die iäerliche gewiesen habē. War ist es / daß es eben so wenig recht oder von nöten ist / sich noch einmal lassen zu tauffen / als es vorzeit war / sich abermal lassen zubeschneiden / nach dem sie in sünden gefallen waren / nichts destoweniger aber ist das leiden vñnd sterben Jesu Christi zur sñer quellenden vergebung der sünden / allezeit von nöten / daß dasselbige in vnsern herzen seine wirkung habe / durch waren glauben vnd bekerung vnser herzen zu Gott dem H. Erren / vnd solte vns nimmermehr den Teuffel so weit lassen blendē / daß wir gedechten die vergebung vnserer sünden / stehe in der krafft des eusserlichen wercks im Tauff / vnd also des glaubens auff das leiden vnd auferstentnuß Christi / dahin vns Gott durch den Tauff weisen wil / schendlich vergessen. E ij Lasset

## Die I. Hauptursach

Lasset vns auch nun besehen / wie das heilig Abendmal vnser herr vnd vertrauen zu dem leiden Jesu Christi weise das wir durch dasselbige leiden allein vergebung der Sünden haben. Dargegen wollen wir auch besehen / wie der böse feind eben durch das Nachtmal die Menschen von dem leiden Jesu Christi am Creuz / sich vnterstehet abzuführen / gerade wider den willen vñ meinung Jesu Christi. Erstlich das Christus durch sein Abendmal vnser herr auff sein bitter leiden weisen wil / ist leichtlich darauff zuuerstehen / das er eben diß heilig Sacrament / gleich vor seinem leiden / nemlich in der Nacht da er verrathen ward / hat eingesetzt vñnd zwar in statt des Osterlamb / welches auff das zukünfftige leiden Jesu Christi wiese / wie das Heilig Abendmal vnsern glauben weist auff das leiden Christi das schon vollbracht ist: Zu dem ist es auch zubeweisen / beide auß den eusferlichen warzeichen die Christus hat eingesetzt vñnd auß den Worten des Nachtmals.

Matth. 26.

1. Cor. 11.

Denn erstlich das brechen des brots ist ein gewisses heiligs warzeichen / das der leib Christi für vns gebrochen / das ist / mit grossem schmerzen gemartert vñnd von seiner seelen gerissen sey / wie Sanct Paulus schreibt in der Einsagung des heiligen Abendmals das Christus das brot gebrochen hab / vñnd gesprochen / Das ist mein Leib der für euch gebrochen wird. Darauff leichtlich zuuerstehen ist / wie Christus durch das brechen des brots die augen vnser glaubens auff das brechen vñ martir seines leibs weisen wil.

Zum andern das der heilige Wein zur gedechtnus seines bluts besonders neben dem Brot von Christo eingesetzt ist / stellet vns auch für die augen seinen todt / das nemlich sein  
blut

blut am Creutz so warhafftig von seinem leib ist abgesun-  
dert vnd vergossen worden / zur verzeihung vnser sünden /  
so warhafftig / als Christus neben dem brotbrechen diesen  
heiligen Wein oder kelch der dancksagung zur gedecknuß  
seins einmal abgesonderten Bluts (welchs geschehen ist  
durch den bitteren tod) hat ingesetzt. Vnd derwegen daß  
wir in seinem leiden vñnd sterben / nicht allein vnser speiß  
sonder auch vnsern tranck / das ist / alles was vns zum  
ewigen leben vonnöten ist / vollkornlich habē / so wir solches  
leiden essen vñnd trincken / das ist / in vnsern herzen drauff  
vertrawen.

Zum dritten schaw die wort der einfassung recht an / so  
wirstu sehen das der Herz Jesus dein herz vnd vertrawen  
auff sein bitter leiden weisen wil. Denn Christus sagt nit  
schlecht / Das ist mein leib (wie etliche schreien) sonder thut  
hinzu / Der für euch gegeben wird. Sagt auch nit schlecht /  
Das ist mein blut / sonder thut hinzu / Daß für euch ver-  
gossen wird zur vergebung der sünden. Wo hin ist denn der  
leib Christi für vns / für dich vñnd mich / gegeben worden?  
Gewißlich in den schmelichen tod des Creuzes. Wo ist sein  
blut für vns vnd für viel vergossen worden zur verzeihung  
der sünden? Gewißlich am stammen des Creuzes / in sei-  
nem bitteren leiden. Sihestu wie daß dich die wort im hei-  
ligen Abendmal auff das bitter leiden Christi weisen?

Christus hett wol kund sagen / Das ist mein leib der auß  
Maria der Jungfrawen geboren ist / oder / Das ist mein  
leib welcher soll verklärt werden / vñnd er hette die warheit  
geredt / denn kein ander leib für vns ist gegeben in den todt /  
denn der auß Maria geboren war / vñnd der darnach solt  
verklert



## Die. Hauptursach

verklert werden. Er hat aber nit also gewolt reden/sondern also / Das ist mein Leib der für euch gegeben wird/nemlich in den todt: Damit er vnser herz vnnnd vertrauen auff sein leiden vnd sterben/als auff den einigen grund vnnnd fundament vnser seligkeit weisen wil / da er vnsern hungerigen vnd durstigen seelen zur waren speiß vnd tranck des ewigen lebens worden ist / wie Christus am andern ort auch leret

**Johan. 6.** Johannis am 6. Cap. da er spricht: Das brot das ich geben werd/ist mein fleisch/welches ich geben werd für das leben der Welt. Da leret Christus / daß diß des glaubigen hertzen speiß sein sol/daß er sein fleisch für vnser lebē ans Creuz leß neglen. Denn durch seinen tod am Creuz/hat er die ursach vnser ewigē hungers vnd kömers/nemlich die sünd gebüßet vnd hinweg genommen / vñ dargegen die ursach des lebens/das ist/den heiligen Geist der da lebendig machet (wie er selbst sagt) vns erworbe/auff daß derselbige H. Geist vns zu waren gliedern Christi mache / dieselbige heiligkeit / gerechtigkeit/ewiges leben vnd herrligkeit in vns den gliedern

**Ephes. 1.** Christi wircke / die er im haupt Christo wircket / in einem jeden nach der maß der gaben Christi. Auß disem ist leicht zu verstehen wie das H. Abendmal vnser vertrauen auff das leide Jesu Christi weiset/daß vns Gott dardurch allein vergebung der sünden vñ ewiges leben zugesagt vñ geschenckt hab/vnd denen gewislich widerfar die drauff vertrauen.

Endlich bezeugts der H. Apostel hell vnd klar mit diesen wortz/ in welchen er die hauptursach anzeigt warumb man das heilig Abendmal halten soll: Denn (spricht er) so offte se von diesem brot esset / vnd vom kelch des H. Ern trincket/ solt jr des H. Ern tod verkündigen biß daß er kompt.

Merck/

**Johan. 6.**

**Ephes. 1.**

**Ephes. 4.**

**1. Cor. 11.**

Merck/ da lehret der H. Apostel klar/ das wir durch das Abendmal den todt den Christus ahn seinem leib gelitten hat/ sollen verkündigen bis das derselbige leib daran er den todt gelitten hat/ widder kompt auß dem Himmel/ zu richten die lebendigen vnd die todten. Verkündigen den todt des H. Xren heist in deinem hertzen vertrauen vnd eüsserlich mit dieser that/ nemlich der empfahung des H. Abendmals bezeugen vnnnd bekennen für Gott/ seinem H. Engeln vnd den Menschen/ das dir durch kein ander ding denn durch den bittern todt Christi alle deine sünden schon verziehen seind/ das deren in ewigkeit für Gott nicht solt gedacht werden/ das du zum glied des Herren Christi angenommen seiest durch den H. Geist vnd noch darin erhalte werdest/ vnnnd ein erb des ewigen leben seiest/ welchs alles Christus mit seinem todt dir erworben/ durch die verheissung des H. Euangelions dir versprochen vnd mit dieser sichtbaren gedechtnuß widerhollet vnd bestetiget: Du aber herwiderumb öffentlich bekennest/ das du solches gescheneck mit warem glauben habs angenommen vnd noch annemest vnd in ewigkeit nicht gedenckest zuuerlassen/ vnd mit hertzhlicher freud Christo für seinen bittern todt daher alle diese wolthaten entspringen/ Lob Ehr vnd Danck sagest. Das heist durch das Abendmal den todt des Herren den er ahn seinem leib gelitten hat/ verkündigen bis das er mit demselbigen leib daran er den todt gelitten hat widerkommen wurde auß dem Himmel zu richten die lebendigen vnd die todten/ für welchs gericht allein die senigen bestehen werden/ die jr vertrauen gesetzt haben auff sein bitter leiden das er vnter dem Richter Pontio Pilato für sie erlitten hat/ vnnnd dar-

D durch

Gal. 3.

durch ihr vermaledeigung hinweg genommen vnd sie gebenedeiet hat in ewigkeit.

Nie aber mögstu fragen/Wie weiset das H. Abendmal mein vertrauen auff das leiden Christi: Antwort/gar krefftig vnd tröstlich/nemlich also: So gewiß als das brod für deine augen gebrochen vnd dir sampt dem heiligen wein zu genießen gegeben wird zur gedechtnuß des einmal gecreuzigten leibs vnd einmal vergossenen bluts Jesu Christi: So warhafftig verheißt dir auch Christus warer ewiger Gott vnd mensch daß er an seinem leib so gewiß am Creuz für dich den bitteren todt gelitten vnd sein blut für dich vergossen hab/ auff daß dein hungeriges herz von allen sündē in ewigkeit entlediget sey / also daß deren in ewigkeit nicht mehr sol gedacht werden: Vnd dargegen durch den heilige[n] Geist ein glied am leib Christi seist vnnnd das ewig leben habest / so du Christum also issest vnd trinckest wie er für dich gecreuziget ist/ Das ist/ so du in deinem herzen auff ihn vertrauest.

Iohan. 6.

Das aber Christus mit diesen worten (Das ist mein leib der für euch gegeben wirdt/daß thut zu meiner gedechtnus) vnsern glauben mit dahin hab wollen weisen / daß wir soltē glauben dz wir seynen leib mit vnserm leiblichē mund essen vnnnd einschlickē / sonder dahin vns alle Propheten weisen nemlich dz wir sollen glaubē vnd vertrauen dz er seinen leib für vns in den todt des creuzes gegeben vnnnd sein blut einmal für vns vergossen/vnd dardurch vns ein ewige vergebung der sünden vnd ewiges leben erworben vñ geschenckt hab wollē wir auß Gottes wort darthū. Für allen dingen aber wil ich dich erinnern daß vñ allen Euangelis

schen

schē bekant wirt/ daß brot vnd wein im Abendmal/vor/in vñ nach der empfangung sein vnd bleiben brot vnd wein vñ werden nicht verwandelt ins fleisch vnd blut Christi. Dis leret Gottes wort/ 1. Cor. x. vnd xi. vnd sie bekennens selbst.

Erstlich/ lauten die wort Christi: 1. Cori xi. Capittel/ Das ist mein leib der für euch gebrochen wird/sonst/als/ Das ist mein für euch ermordter leib. Denn daß der leib Christi für vns gebrochen/ ist anders nichts denn daß er für vns ermordet ist/ Wie S. Petrus rund vñ mit verstandigen worten bezeugt im 2. Capittel der Geschichten/da er <sup>Acto. 2.</sup> spricht: Denselbigen Jesum (nachdem er auß bedachtem rath vnd verseyhung Gottes ergeben war) habt jr genommen durch die hendi der vngerechten vnd in angeheffet vnd in erwürget.

Wiltu nu daß ein theil der worten Christi/ Das ist mein leib/leiblich vnd Wesentlich verstehen/ Daß das brot wesentlich der leib Christi sey/ so verstand auch die nachuolgende wort/ leiblich vnd wesentlich vom brot/ nemlich daß das brot für dich gecreuziget vñ ermordet sey: Welchs ich also beweiß:

Was der leib Christi wesentlich ist/ daß ist ihe für vns gecreuziget vnd ermordet.

Du sagt aber etliche/ dz brot sey der leib Christi wesentlich.

So mus auch aus irer bekandnus volgen daß das brot für vns gecreuziget vnd ermordet sey.

Du ist es aber gewis daß das brot ( Welches für/in vnd nach dem Abendmal brot bleibe / wie sie bekennen ) nit für vns ist ans Creuz geneglet / noch samerlich ermordet worden/ sonder du verstehest das es ein gedechnus sey der

D iß Creuz

## Die I. Hauptvrsach

Creuzigung vnd jämmerlichen ermordens so Christus am  
Creuz erlitten für vns die wir verdient hatten mit vnseren  
sünden / daß wir solten ermordet vnd in ewigkeit gemartert  
werden: Ey so seiß nit so fleischlich vnd verstande auch die  
vorige wort / Das ist mein leib / gedechtnußweiß / Daß das  
brod dir ein gedechtnus vnd erinerung sey / der verheissung  
des Euangelij / daß der leib Christi so warhafftig für dich  
in den todt gegeben ist / auff daß du nicht verloren werdest  
sonder an ihn glaubest vnd das ewige leben habst. Wie dir  
der HERR Christus seine eigne wort selbst auflegt / da er  
grad drauff sagt / Das thut zu meiner gedechtnuß. Sagt  
nicht / das thut zu meiner leiblichen gegenwertigkeit. Vnd  
der heilliger Apostel Paulus sagt / 1. Cor. 11: Denn so offte jr  
von disem brod esset vñ vom kelch des Herren trincket / solt  
jr des Herren todt (merck seinen todt / sein bitter leiden) ver-  
kündigen bis daß er kompt. So ist das Nachtmal nit von  
wegen einer leiblichẽ gegenwertigkeit des leibs Christi ein-  
gesetzt / sonder zur verkündigung seines bittern tods bis  
daß er leiblich kompt / nit auß dem heiligen brod des Nachts-  
mals / sonder auß dem Himmel / wie die schrifft an vnzeli-  
chen orten bezeuget. 1. Less. 1. vnd 4. Matt. 24.

Hebr. 9.  
9.

Actor. 3.

Zum andern / wiltu daß der H. wein das leiblich wesent-  
lich blut Christi sey / so mustu auch sagen daß der wein für  
dich am Creuz vergossen sey / Vnd beweiß es also:

Was das blut Christi wesentlich ist / daß ist ihẽ für vns  
am Creuz vergossen.

Du sagen aber etliche daß der wein im kelch ( von dem  
sie bekenen / daß es warer wein bleib vor dem trincken auß  
dem kelch / im trincken vñnd nach dem trincken ) das blut  
Christi wesentlich sey: So muß

So muß auß irer lehr volgen daß der wein am Creutz für vns vergossen sey.

Zum dritten/ist der wein im Kelch das wesentlich blut Christi/so ist es auch noch wesentlich von seinem leib abgesündert. Nu bedenck aber bey dir selbst ob auch mehr denn einmal das blut Christi von seinem heiligen leichnam abgesündert sey/Nemlich/allein am stamme des Creuzes da es die Kriegsgorzgen vergossen. Bedenck ob auch das blut Christi immermehr in ewigkeit von seinem leib werd abgesündert werden? Gewißlich sagt der heilig Geist in der Epistel an die Hebræer im 1x. Cap: Christus ist durch sein eige  
 blut einmal in das Heiligtumb / nemlich in den Himmel eingangen vnd ein ewige erlösung erfunden. Diweil den diß gewiß vñ ungezweiffelt ist / Daß das blut Christi immermehr in ewigkeit von seinem leib wird abgesündert/sonder hat alles bezalt vñ außgericht mit einem blutvergiessen am stammen des Creuzes/vñ verstehest derhalben die vergießung des bluts Christi gedechtnußweiß im 5. Abendmal/nemlich/das du dich da bey solst erinnern/ des bitteren leidens/da er einmal sein blut für dich vergossen hat/ vñnd von seinem leib hat absündern lassen dir in ewigkeit deine sünden zu vergeben/daß dasselbige dir zu gut geschehen sey: Ey so seyß nicht so fleischlich vnd verstand auch die vorige wort/ Das ist mein blut/ nit fleischlich/ sonder gedechtnußweiß/ daß nemlich der heilig wein / der dir in den Kelch vergossen ist/ vñnd dir zutrinken gegeben wirdt/darumb das vergossen blut Christi genand wirdt/daß er dir eine erinnerung/ vnd gewisses pfand sey/ daß auch so warhafftig/nit allein für andere/ als S. Peter vñnd S. Paulus oder für  
 D iij die

die Jungfraw Maria/sonder auch eben für dich zur vergebung aller deiner sünden/ das blut Christi einmal am creuz vergossen sey/ ja daß auch kein tröpflein bluts mehr für sie/ den eben für dich vergossen sey/ sonder daß du eben gleich  
 1. Cor. 10. theil vnd gemein daran hast/ mit allen heiligen wie dich der Apostel lehret/ da er sagt/ Der kelch der danck sagüg damit wir danck sagen/ ist die gemeinschaft des bluts Christi.

Zum vierden/ daß die wort/ Das ist mein blut daß für euch vergossen wird zur vergebung der sünden/ nit fleischlich zuuerstehen sey als solt das blut Christi in den Kelch/ oder in den wein abgefündert werde von seinem leib/ es mit dem leiblichen mund zu trincken/ sonder daß es gedechtnus weis muß verstanden werden/ lehret dich Jesus Christus selbst/ vnd legt seine wort selbst auß/ da er spricht/ Das thut zu meiner gedechtnus. Damit er vns lehret/ warumb er den wein im Kelch sein vergossen blut genent hab/ nemlich nit darumb/ als wolt er leiblich auß dem wein sein blut machen/ vnnnd sein blut so offte vnd dick von seinem leib in dz kelch absünderen/ so offte wir das Nachtmal würden halten/ sonder darumb/ daß vns der wein ein H. gedechtnus vnd pfand sein sol/ von jm darzu eingesezt vnnnd beuolen/ daß wenn wir von dem heiligen wein mit dem muud trincken/ sollen wir in vnseren herzen gedencken/ glauben/ vnd ihm danck sagen/ daß das blut Christi einmal für vns vergossen sey/ vnnnd daß durch die einige allein einmal geschehene vergießung des bluts Christi vns die sünd verziege sein vnd verziegen bleiben in ewigkeit/ one allen vnseren verdienst allein durch den glauben vñ vertrauen im herze auff dz einigs bitter vergiessen des bluts Christi am stamien  
 des

des creuzes welcher gnedigen verheiffung der H. wein ein gewisses sigill ist

Zum fünfften/diese anlegung des Herren Christi wurde bestetiget mit seinē gebet / da er im garten anfieng sein blut zuvergiessen / vñ die bluts tropffen vō seinem angesicht auf die Erd fielen: Abba mein Vater es ist dir alles möglich (sagt Christus Marci am 14.) vberheb mich dieses kelchs / Doch nicht was ich will sonder was du wilt das geschehe. Welches war der kelch für dem sich der Herr Jesus so sehr entsetzet: Es war sein bitter leiden/oder die vergiessung seines bluts/on welche es vnmöglich war/vergebung der sünden für Gott zu erlangen / den Gott wil daß seiner gerechtigkeit gnug geschehe. Wenn nu der kelch im Nachmal leiblich in sich gehabt hett/das vergossen blut Jesu Christi/zur vergabung vnser sünden / so würde Christus im garten gesagt haben: Vater alle ding seind dir möglich / so hab ich durch die gleiche Almechtigkeit/die ich von ewigkeit mit dir hab/sekunde in meinem leztē Abendmal/meinen Jüngern eingesezt im kelch mein leiblich vergossens blut zur vergabung der sünden: Dieweil ich nu vmb diser vrsachen willen/von dir in die welt gesand bin / mein blut zuvergiessen zur verzeihung der sünden / vnd aber ich durch deine vñnd meine Almechtigkeit schon einen kelch eingesezt/vñnd mit meinen Jüngern getrunckē hab / in welchem mein blut zur vergabung der sünden vergossen vnd verborgen ist: So ist es woll möglich/das ich dieses bitteren kelchs nēlich/der vergiessung meines bluts am stammē des creuzes vberhabē sey. Christus aber redet nit also/den im wol bewust war dz er nit darū den kelch oder den wein im kelch sein vergossen blut zur vergabung der sündē genant hat/dz er sein blut schon ver



## Die I. Hauptursach

Hebr. 9.

gossen vnd es sampt der vergebung der sünden in den kelch verborget hett/sonder das der kelch vns ein kelch der dancksagung vñ gewisse gedechnus sein sol/dises bitteren kelchs den Christus am Creuz vns zu gut getruncken hat/ da er sein blut warhafftig vñ wesentlich für vns vergossen vnd eine ewige erlösung damit erworben hat.

Auß diesem allem ist klar/das der HERR Jesus das gebrochen brod/ seinen gebrochenen oder ermordten leib vñ den eingossen wein sein vergossen blut genant hab/ das er vns damit auff sein bitter leiden vñ sterben weisen wil/ auff das wir festiglich vertrauen / das das bitter leiden Christi/in vnseren glaubigen herzen die krafft hab/vns zu ewigen leben zuerhalten / die brod vñ wein haben vns im zeitlichen leben zu speisen vnd zu trencken/vnd wie brod vñ wein nit speisen / man esse vnd trincke sie den / also gibt der gecreuzigte leib vnd vergossen blut Christi keinen anderen verzeihung der sündē vnd ewiges leben/ denn denen allein/ die in irem herzen drauff vertrauen / das es ihnen zu gut geschehen/vñ ihnen von Gott geschenckt sey/so gewis/als sie die heilige sigill zur gedechnus/nemlich/des heilig brod vñ den heiligen wein mit ihrem mund drauff empfangen. In summa Christus will vns im Abendmal lehren/dz vergebung aller vnser sünden / allein in seinem leiden vñ sterben zu finden sey/vñ will vns dasselbige durch das heilige Abendmal wol einbilden vnd bestetigen.

Was braucht aber hie der Satan für ein rancē? Eben denselben / den er vñ anbegin der welt in allen Sacramenten gebraucht hat / das er eben durch das mittel des heilige Abendmals durch welches vns Christus zu seinem leiden führen

füren wil / daselbst allein vergebung der sünden zu suchen / die leut am aller meisten von dem leiden Christi abfüret. Den erstlich hat er im Pappstü durch die Messpaffen als geschworne diener des Antichrists vñ leibeigene knecht des satans die leut also von dem einigen leide Christi abgefüret:

Für das erst / so nimt der Messpaff das rond gökenbröselin in die hend vnd hauchet darüber / mit seinem stinckendem athem / vñnd spricht diese wort zu dem brot / Das ist mein Leib / vnd so bald das hauchen geschehen / haben die leut geglaubt / auß brot sey fleisch vnd Gott selbst worden / haben verhalten jr vertrauen auff diesen Brotgott gesetzt / in anbetten in statt des lebendigen Gottes : So doch Christus nit die wort zu dem brot ( Welches keine ohren hat ) sonder zu seinen Jüngern geredt hat / auch nicht vmb der ursachen willen / das er auß dem brot / Christum machet (den sie dürfft keines andern Christi denn des der mit inen redet) sonder das er beide durch das eusserliche brot vñnd durch das wort / jr gedechtnuß vñnd vertrauen auff sein bitter leiden vnd sterben weistet / welches auch Paulus bezeuget / vnd zu gleich anzeiget das das brot / brot bleibe / vnd weise vns auff den tod Christi: Denn so oft jr von diesem brot esset (sprichet er) vñnd von dem Kelch des H Erren trincket / solt ihr des H Erren tod verkündigen / Bis das er kompt. Merck auff was Paulus sagt / wir sollen von des H Erren brot essen / zur verkündigung vnd gedechtnuß des tods Christi / so wil der Messpaff seinen Hertzgott leiblich essen: Paulus wil das wir diese gedechtnuß halten / Bis das Christus kompt : So wil der Messpaff auff sein zaubern vnd durch sein hauchen vber das rond gökenbröselin mit seinem verhurten stinckenden

## Die I. Hauptursach

- Colof. 2.  
1. Thes. 4. den athem sey der leib Christi verfund in seine hend komen / So doch Gottes wort vns von oben herab auß dem Himmel vnser ersölers Jesu Christi gewarten heist.
- Deut. 27. Zum andern/wenn nu der arme vermaledeite Mesypfaff seinen brotgotte also gezaubert / vnd das arme volck in an gebetten hat / vnd gesagt / Es sey der Gott der sie erschaffen hab (Wie ich denn selber für dem brotgotte solches in meinem herzen geredt hab do ich noch leider in die Mes gieng)
- Wesich den Canonem Misse. so lest ers bey solcher Abgötterey nit bleiben / sonder sagt / er opffere dem Himmelischen Vater den leib Christi vnd sein blut zur bezalung für die sünden der lebendigen vnd der todten. Macht also auß dem Abendmal ein Opffer für die sünde / vnd seind in denselbigen worten des Mesypriesters / vn außsprechliche Gottslesterunge begriffen. Denn für das erst heist opffern für die sünd / schlachten vnd erwürgen / wie
- Hebr. 9. der Apostel leret im 9. Capitel an die Hebreer / da er spricht Hett Christus zum mehrenmal solt geopffert werden / so hett er auch zum offtermal müssen leiden / von anfang der welt. Das auch opffern für die sünd / heist tödten vnd erwürgen / bezeugt Paulus 1. Epist. an die Corint. im 5: Vnser Osterlamb ist Christus für vns geopffert / Das ist geschlachtet vnd erwürget. Wiewol sie nu / die Mesypriester / auff iren Altaren als auff fleischbencken mit iren Gottslesterigen worten so viel als in ihnen ist Christum so offte sie Mes thun / widerumb auff die fleischbanck zu lieffern vnnnd zu ermorden sich vnter stehen / wie die Gottlosen Juden / so ist es doch gut (Dem HERREN sey lob vnnnd danck)
- Hebr. 10. das Christi leib inen viel zu hoch gefessen ist in dem Himmel von dannen sie in nit werden heraber zehen auff ihre Altar
- oder

oder fleischbenck / in täglich widerumb zu opfferen vnnnd zu ermorden.

Für das ander in dem der abgöttisch Messpaff / zu Gote dem Vater sagen darff daß er ihm da seinen Sohn Christum opffere für die sünden der lebendigen vnd todten / ist es gewiß daß er mit denselben Worten verleugnet das heilige leiden vnd sterben Christi. Dis bedarff nicht viel beweisens / die erfahrung bringet es selbst mit / daß das fundament der Mess sey / ein verleugnung des leidens Jesu Christi. Deñ daß wir selbst erfahren gesehen vnd gehört haben / daran können wir se nit zweiffeln / daß dem nit also sey. Nu aber haben wir mit der that erfahren / wenn vnserer liebe Eltern gestorben seind / daß die Messpriester geschwind zugefahren vnd gefragt: Ob man nicht so vnd so viel Messen wol lassen nachthun zur bezalung für die sünden die vnserer Eltern begangen / vnd derwegen ein lange zeit im Fegfeuer / qual leiden müßten / wo ihnen nicht durch das Opffer der Mess drauß geholffen würd.

Wenn nu ein gutherziger Bürger inen dargegen sagt / Meine Eltern sind in einem waren vertrauen auff das leiden Christi / laut irer bekantnuß / verschieden / hat denn das leiden Christi nit die krafft / meine Eltern die es mit glauben haben angenommen / selig zu machen von iren sünden: Blicben die Messpaffen wie die Nachteulen auff irem alten gesang: Hörstu nicht / daß wirds nicht thun / daß du sagst / Christus hab für deiner Eltern sünden mit seinem bitterm leiden bezalt / vnnnd sie haben solchen glauben bekant vnd drauff verschieden: Sonder mir die geistliche gesalbte Priester müssen Christum in der Mess opffern / zur bezalung für

## Die I. Hauptsach

deiner Eltern sünden. Dis haben wir se erfahren/ es sey denn daß wir mutwillig/stockblind sein wollen. Vnd es ist kein wunder. Denn hat der Teuffel die leut so weit verblendet / daß sie ein theil der wort Christi fleischlich verstanden haben/nemlich/ Das ist mein leib/so hat er gut machen gehabt/ daß er auch die nachfolgende wort/nemlich/ Der für euch gegeben wird / vnd daß für euch vergossen wird / welches eb̄ so viel ist / als / Der für euch geopffert wird / fleischlich den leuten hat zuuerstehen geben. Was sagt aber die

**Johan 19.** Schrifft: Es schreiet Christus am Creuz mit lauter stimm : Es ist vollbracht. So schreiet der Messpaff dargegen / Es sey nit vollbracht/sonder er müsse es allererst vollbrinḡ mit seinem Messopffer für die lebendigen vnd für die toden. Es sagt der heilig Geist in der Epistel an die Hebreer im 10. cap. daß ein jeglicher Priester im altē Testament eingesezt war/ daß er alle tag Gottes dienst pflege / vnd offermals einerley opffer thue / welches nimmermehr künd die sünd abnehmen / Dieser aber Christus da er hat ein opffer für die sünd geopffert / daß ewiglich gilt / siht er nu zur rechten Gottes vnd wartet hinfurt/ biß daß seine feind zum schemel seiner füß gelegt werden/ Den mit einem opffer hat er in ewigkeit volendet die geheiligt werden. Dis seind des heiligen Geistes wort. Dieweil nun der Messpaff wider den heiligen Geist streitet/ vnd noch zum offermal / ja noch teglich für die sünden der lebendigen vnd toden opffern wil/ So ist es gewiß daß er verleugnet das leiden Jesu Christi / vnd richtet auff an statt desselbigen sein stinckendopffer für die sünden der welt / welches er zur schmach des heiligen leidens Christi mit seinem stinckenden athem gezaubert hat. Ist dis  
nit

nit zu erbarmen daß der leidige Teuffel / das heilig Abendmal dermassen zur Meß verkert hat / daß kein grösser gewel vnter der Sonnen ist / damit er die leut mehr von dem leiden Christi abziehe / so doch Christus sein heiliges Abendmal zur gedechtnuß seines einigen opffers vnd vnschuldigen leidens hat eingesezt: Wie hett der Sathan den Sohn Gottes höher können schmehen? Dis ist nu im Pappstumb also geschehen vnnnd geschicht noch täglich an viel tausent orten / da täglich das leiden Jesu Christi in der Meß verleugnet wird.

Du aber laß vns ferner besehen wie sich der Satan auch vnterstehe etliche leut / die sich des Euangelions rhümen / durch das heilig Abendmal / von dem einigen leiden Christi abzuziehen. Dis aber geschicht beide von dem gemeinem mann vnd auch von etlichen gelehrten. So viel den gemeinen mann belangt / der sich des Euangelions rhümet / die weil ihrer viel im Pappstumb erzogen sind / meinen sie die weil die Meß abgeschafft / daß sie darumb zum heiligen Abendmal gehen / auff daß sie mit dem leiblichen mund / essen den leib Christi vnd trincken sein blut / vñ daß sie durch das essen bekommen verzeihung der sünden. Dis beweiset die erfahrung / Deñ so du es wirst versuchen / wie ichs vnd andere zum mehrem mal versucht haben / auch nach vielfeltiger vnterweisung vñ fragen / Warumb gehest du zum heiligen Abendmal / wird dir dise antwort werde / daß ich vergebung der sünden da hole / vnnnd mit dem mund empfahe das fleisch vnnnd blut Christi / wissen nicht daß sie durch ein wares vertrauen in ihren herzen durch das leiden Christi allein vergebung der sünden haben ehe daß sie zu dem heiligen

## Die I. Hauptursach

Genes. 15.  
Rom. 4.

gen Abendmal gehen/ Wie auch Abraham vergebung der sünden gehabt hat/durch den glauben/ehe das er das Sacrament der Beschneidung empfangen hatt. Wie wir lesen im ersten Buch Moses am 15. Cap. vñnd Rom. 4. Wie aber Abraham/darumb die Sacramenta nicht verachtet/sonder beschneid sich nach Gottes befehl / vñnd opfferet/ beide / zur versigelung der vergebung der Sünden / die er schon hat in warem vertrauen / auff das zukünfftige leiden Christi: Also auch wir ob wir schon dessen auß Gottes wort gewiß seind / das wir durch kein ander ding den allein durch das leiden Christi in warem glauben vergebung der sünden haben / auch ehe das wir die heilige Sacramenta empfangen / nichts destoweniger verachten wir die heiligen Sacramenta nit / sonder brauchen dieselbe die Himmlische gaben die wir im glauben schon besitzen inn vns zubestetigen / Dieweil es heilige sichtbare warzeichē vñ zeugnussen seind des gnedige willen Gottes / das wir im warem glauben auff das leiden Christi vergebung der sünden haben vñnd behalten / auch die gaben des h. Geistes in vns gemehret werden.

Das ist auch leichtlich darauff zuersehen / das man nemlich nicht zum Abendmal gehn soll vergebung der sünden allererst dazu empfangen / Denn ehe du zum heiligen Abendmal gehst / bettestu sa das Vater vnser / vñnd ist gewiß / das vns Gott die Geistlichen gaben / one welche wir nit können selig werden / als da ist / das er vns seinen Sohn gesendet / das er vns durch ihn mittheilet vergebung der sünden vñnd die gnad des heiligen Geistes / dieselbige gaben / sag ich / gibt Gott auff der stunden da man in von herren drum bittet. Dieweil du den bittest ehe du zu des Herrn Tisch

Tisch gehest im Vater vnser/ vergib vns vnser schulden/  
 so ist es gewiß das er es thut / vnd vergibt dir deine sünden  
 ehe das du noch außgebetet hast/ wie dich Gott leret im 6<sup>ten</sup>. Luc. 11.  
 Cap. Isaie da er spricht/ Ehe das sie ruffen wil ich sie erhö- Esa. 65.  
 ren/ vnd in dem sie noch betten wil ichs thun. Zu dem so bit-  
 testu auch/ das Gott dir verzeihe / wie auch du verzeihest  
 deinem nechsten/ Du wil aber Gott nie/ das du solt warten/  
 deinem nechsten zuuerzeihen / bis nach dem du das Nach-  
 mal empfangen hast / sonder zuuor / ehe du es empfahest.  
 Wie auch Christus leret/ Matth. am 5. Also wil auch Gott Matth. 5.  
 nicht warten / bis nach dem du das Abendmal empfangen  
 hast/ dir deine sünd zuuerzeihen / sonder ehe das du zum A-  
 bendmal gehest / hat er dir schon deine sünd verziegē/ durch  
 den glauben auff das leiden Jesu Christi/ vñ das so gewiß/  
 als du in deinem hertzen empfindest/ das du vor dem Nach-  
 mal deinem Nechsten verziegen hast: Das Abendmal aber  
 folgt drauff/ das durch das heilig brot vnd Wein/ als sicht-  
 bare warzeichen / dir besser eingebildet vnd bekräftiget wer-  
 de/ die hingebung des Leibs Christi in den todt/ vnd die ver-  
 gießung seins bluts durch welche du schon hast vñnd be-  
 heltest in festen vertrauen vergebung deiner sünden: Vnd  
 dein blödes gewissen zu trösten das dem also sey vñnd nicht  
 anders/ wil Gott das dir das heilig brot vñnd wein so ein  
 gewisses warzeichen sey/ das er vor/ in/ vñnd nach dem A-  
 bendmal deiner sünden nicht mehr wil gedencken/ als wenn  
 dir Gott ein besonder zeichen auß dem Himmel gebe/ Wie  
 auch Christus von Johannis Lauff zeuget/ das er auß dem Johan. 8.  
 Himmel sey. Auß diesem sehen wir/ das wenn die leut die  
 auch Euangelisch sein wollen/ daruff zum heiligen Abend-  
 mal



## Die I. Hauptursach

mal gehen / daß sie durch das Werk vergebung der sünden erlangen / so lassen sie sich abfüren von dem heiligen leiden Christi / durch welches allein wir vergebung der Sünden haben.

Die andere aber die gelehrter seind / ob sie schon mit worten bekennen daß das Abendmal vnser vertrauen auff das leiden Jesu Christi gründet / füren sie doch die leut neben dem leiden Christi / zu einem verborgnē leib im brot so klein. Denn sie seind nit so blind / daß sie nit sehen / vnd derwegen auch wol bekennen / daß der Haupttrost in dem einigen leiden vnd opffer Christi stehe / vnd daß man denselbigen leib Christi für vns gecreuziget mit einem waren glauben vnd vertrauen auff sein leiden vnd sterben essen muß / wie Christus leret Johannis am 6. Aber doch neben diesem trost / sey auch diß sehr tröstlich daß wir auch in vnd vnter dem brot den leib Christi mit vnserem leiblichē mund essen. Lasset vns aber auß Gottes wort besehen / ob diß auch ein warhafftiger trost sey / daß der Leib Christi im brot sol verborgen sein / in mit vnserem leiblichen mund zu essen. Zum andern / so vns Gottes wort solchen trost nit leret / was wir denn für einen warhafftigen vnd bessern trost auß dem H. Abendmal haben / der in Gottes wort gegründet sey.

Erstlich daß sie fürwenden vñ sagen es ist mir sehr tröstlich daß ich den leib Christi leiblich in meinen mund empfangen vnd in leiblich esse vnd sein blut leiblich mit meinem mund trincke zur sterkung meines glaubens: Gott ist almächtigt / er kan den leib Christi wol vn sichtbar in meinen mund bringen. So hab ich auch das ausdrückliche wort: Das ist mein Leib &c. Diß ist sich eben des Nachtmals getröstet / als  
wenn

wenn sich einer seines Tauffs also trösten wolt: Es ist mir sehr tröstlich das ich leiblich noch einmal sol in Mutter leib kommen vnd leiblich widerumb geboren werden / zur sterckung meines glaubens / Gott ist allmechtig / er kan wol machen das ich vnsehbarer gestalt in Mutterleib komme vnd noch einmal leiblich geboren werd / So stehet auch das außdrücklich Wort Gottes da / vnd Christus bedeuert es auch mit seinem Eid / das wir müssen widerumb geboren werden sollen wir in das Reich Gottes kommen.

Iohann. 3.

Ach / es mangelt nit an der allmechtigkeit Jesu Christi / auch nit am außdrücklichen wort Christi / sonder es mangelt dem Nicodemo am verstand / darumb er auch keinen rechten trost fassen kan / das er nicht verstehet / was da heist widerumb geboren werden / das es nemlich nicht heist nach dem buch staben auß Mutter leib noch einmal geboren werden / sonder von wegen des blutuergießens Christi zum Kind Gottes angenommen / vnd durch die krafft des heiligen Geists zum Ebenbild Gottes erneuere werden / welches der H. Tauff ein zeugnuß vnd vnkundt ist. Also mangelt vielen am verstand / das sie nicht wissen was da heist den leib Christi essen vnd sein blut trincken. Es heist nicht das fleisch vnd blut Christi in den mund nemmen vnd einschlickken / Sonder in deinem herzen vertrauen das Christus warer Gott vñ mensch dir geschenckt sey / das er durch sein leiden dir deine sünden vergeben vnd ewiges leben erworben hat / so gewiß als du das heilig brot ißest / kwest vñ zu seiner gedecktnuß einschlickest.

Esai. 53.  
v 66.

Zum andern kan das ihe keinen trost bringen das Christus selbst mit seinem heiligen mund vñ nun erkant vnd ver-

## Die I. Hauptursach

1oh. 11. 6.

worffen hat. Nu hat aber Christus Johannis am 6. cap. das mündlich essen seins fleisches als vnnutz verworffen/dargegen aber allein das Geistliche essen seines fleisches vnd trincken seines bluts/welchs nicht durch den leiblichen mund sonder durch ein wares vertrauen im herzen durch die krafft des h. Geists zugeht/für nutz vnd lebendmachend erkent/da er sagt/ Das fleisch ist kein nutz/der Geist ist es der da lebendig macht. Nit daß das fleisch Christi vns nit nutz sol sein/denn one dasselbige können wir das ewige leben nit haben/sonder das da es gleich leiblich künd gessen werden/were es doch also gessen kein nutz/sonder der Geist Gottes machet das herz lebendig durch einen waren glauben vnnnd vertrauen auff das bitter leiden Jesu Christi/welches vertrauen Christus essen vnd trincken zuorn im selbigen Capitel genant hat.

Zum dritten was menschen one Gottes wort erdichten/ kan keinen trost geben/sonder ist eine Abgötterey: Nu haben aber die Menschen den trost daß der leib Christi im brot verborzen sey/vnd mit dem leiblichen mund gessen werde/jnen selbst erdichtet one Gottes wort/ja auch wider Gottes wort. Derhalben wer sich dessen tröstet das der leib Christi im brot verborzen sey der tröstet sich einer Abgötterey die außserhalb Gottes wort erdacht vnd wider die Artikel seins Christlichen glaubens ist. Deñ daß sie sagen sie bleiben bey den Worten der einsatzung/vñ damit wollen beweisen/ Das der leib Christi im brot verborzen sey/wil ich darthun daß sie von den Worten Jesu Christi abweichen/vnd daß sie mit keinem buchstaben der einsatzung des H. Abendmals können beweisen daß der Leib Christi im Brot verborzen sey. Vnd beweiß es wie folgt: Der

Der zu einem ding Nein sagt da der HErr Christus Ja zu sagt der bleibe je nit bey den worten Jesu Christi / Denn Ja vnd Nein sein je widereinander wie weiß vnd schwarz / vnd muß Christus der da Ja sagt die warheit geredt haben / vnd die jenige die da Nein darzu sagen / die vnwarheit geredt haben.

Man sagt aber Christus in der einsagung Ja / da die Widersächer Nein zu sagen / vnd beweiß es auß Gottes wort also: Die Euangelisten schreiben das Christus im Abendmal habe brot genommen / danck gesagt / es gebrochen / es zu essen geben vnd gesagt: Das ist mein leib ic. Eben in diesen wortē sagt der Herr Christus ja zu einem ding / da die Widersächer Nein zusagen. Denn Christus neñet das sichtbar brot seinen Leib / eben das brot das er in seine hend genommen / vñnd das er gebrochen hat wie die Euangelisten bezeugen / vnd nicht etwas anders das er nit zuuorn in seine hend genommen / auch nit gebrochen hat. Das ist sñe einmal Ja: Denn die Euangelisten bezeugen es hell vnd klar. Dargegen aber sagen vñnd leren die Widersächer / Nicht das sichtbar vñ greifflich brot wird der leib Christi genant / sonder gerad das widerspiel etwas vnsehbars / vngreifflichs im brot vnd vnter dem brot hat der Herr Christus seinen leib genant. Diß aber jr verneinen der wort Christi werden sie nimmer in ewigkeit mit einem buchstaben auß Gottes wort beweisen / sonder das Ja des Herren Christi findt sich hell vñ klar wider jr erdichtes Nein. Denn die Euangelistē / Matthēus / Marcus / Lucas / zeugē einhelllich  
 Matt. 26.  
 Marc. 14.  
 Luc. 22.  
 vnd daß er eben das brot daß er in seine hend genommen  
 vnd daß er gebrochen vnd nicht etwas das er zuuorn nicht

## Die I. Hauptsach

auff dem Tisck genommen vnd nicht gebrochen hett/ seinen  
leib genant hab. Nu aber da Christus nach dem brot auff  
dem Tisck greiff vnd es in seine hend nam/ greiff er nit nach  
einem vn sichtbaren leib im brot/ da er das brot von einan-  
der brach/ brach er nit einen vn sichtbaren leib von einander.  
Derhalben dieweil Christus in den worten/ Das ist mein  
leib/ eben das seinen leib nennet das er zuuorn auff dem tisch  
mit seiner hand gegriffen vnd mit danckfagung von einan-  
der gebrochen hat/ wie die Euangelisten außdrücklich be-  
schreiben/ vnd aber Christus nit nach einem vn sichtbaren  
leib sonder nach dem sichtbaren brot gegriffen vnd es in  
seine hend genommen/ auch nit einen vn sichtbaren leib im  
brot/ sonder das sichtbar brot gebrochen hat: So muß sol-  
gen auß diesem einhelligen vnwidersprechlichem zeugnuß  
der Euangelisten/ daß Christus nicht einen vn sichtbaren  
leib im brot/ sonder das sichtbare brot seinẽ für vns gecreu-  
tigten leib genent hab. Vnd das zwar darumb das vns das  
sichtbar heilig brot vnd wein ein gedechtnuß sein sol daß  
Christus seinen leib einmal für vns in den todt gegeben vñ  
sein blut einmal für vns vergossen hab/ vns vnser sünden  
in ewigkeit zu vergeben/ im selbst einzuleiben vnd das ewi-  
ge leben mit zutheilen so wir im waren glauben auff in ver-  
trawen.

Dieweil sie denn auß diesen worten das ist mein leib nit  
beweisen können/ das der leib im brot verborgen vñ mit dem  
leiblichen mund gessen werde/ gewißlich werden sie es viel  
weniger auß den nachfolgenden worten im Nachmal oder  
auß andern zeugnüssen der Schrifft können beweisen.

Denn für das ander in den worten Christi zu merken  
ist/

Ist / wenn diß ein trost were das der leib Christi in vnsern mund gegeben würd / so wüde Christus nit gesagt haben / Der für euch gegeben wird (nemlich in den tod) sonder würd gesagt haben / Der In euch gegeben wird / oder / Der euch In den mund gegeben wird.

Zum dritten Christus wüde auch nicht gesagt haben / Das für euch vergossen / oder / aufgossen wird / Sonder In euch zum munde eingossen wird.

Zum vierten werden sie auß den worten der einsagung / Das ist das newe Testament / sich nit vntersehen zubeweisen / daß das blut Christi im Wein verborgen sey vnd mit dem leiblichen mund getruncken werde. Denn das newe Testament ist die verheißung vnd eid Gottes von der vergebung der sünden vnd erneuerung des heiligen Geistes vmb des verdienst Christi willen. Diese verheißung ist kein

Jerem. 31.

leiblichs essen des Leibs Christi oder trincken seins bluts mit dem leiblichen mund / sonder ein verheißung der vergebung der Sünden / einleibung In Christum durch den heiligen Geist / vnd ewiges lebens / welche ding anders nicht denn durch einen waren glauben vñ vertrauen mögen empfangen werden. Sonst wüde es ein schlecht ding sein / des newen Testaments / vergebung der sünden / des heiligen Geistes vnd ewigen lebens theilhaftig zu werden. Den es wüde ein seglicher Gottloser der sich zum Abödmal verfüget es alles mit dem leiblichen mund trincken / vnangesehen daß er ein veruchtes heilloses vñ vermaledeites hertz im leib hett. Oder wollen sie die vergebung der sünden absünderen von dem blut Christi / so doch Gottes wort sie zusammenfüget / da es im Abendmal spricht / Welches für euch vergossen

F ij

wird /

## Die I. Hauptsach

1. Johan. 1. wird zur vergebung der sünden / Item 1. Johan. am 1. Das blut vnser̄s H̄EREN Jesu Christi reiniget vns von allen vnser̄n sünden. Derhalben so wenig als die vergebung der sünden mit dem leiblichen mund eingetruncken wird (sonst hette ein jeder vnbusfertiger gottloser vogel vergebung der sünden der nur das gottlose maul auffhet) so wenig wird auch das ware blut Christi / welches von der vergebung der sünden nicht kan abgesündert werden / mit dem leiblichen mund eingetruncken. Ober das / so das newe Testament ein verheissung ist daß wir das blut Christi mit vnserem leiblichen mund trincken / wie wollen die Kinder / des newen Testaments (one welches niemand weder jung noch alt kan selig werden) theilhaftig sein / dieweil sie nie zum heiligen Abendmal seind kommen auff daß sie mit irem mund das blut Christi in sich getruncken hettē. Oder / seind die kinder die nie zum Nachemal kommen / des newen Testaments durch das blut Christi theilhaftig / so muß folgen daß das newe Testament oder Bund Gottes nit ein verheissung sey daß wir mit dem mund das blut Christi eintrincken / als solt es im kelch verborgen sein / sonder durch die krafft des Heiligen Geistes der waren glauben in vnsern herzen wircket / vergebung der sünden haben vnnnd durch den heiligen Geist zu gliedern des leibs Christi vnd erben des ewigen lebens angenommen sein / von wegen das Christus mit seinem thewren blut diß alles vns erworben vnnnd auß gnaden vns geschenckt hat / wie denn den kindern diß alles im Tauff verheissen / versieglet vnd geschenckt wird.

Zum fünfften werden sie viel weniger können beweisen / daß der leib Christi verborgen sey im brot so klein / auß den  
nach

nachfolgenden worten der einfakung des Abendmals / da Christus sagt / Das thut zu meiner gedechtnuß / vnd zwar zweimal. Wenn er hett wöllen seine wort / Das ist mein leib / also verstanden haben / daß sein leib im brot solt verborgen sein / würde er gewißlich nit gerad drauff gesagt haben vnd zum andern mal widerholet / Das thut zu meiner gedechtnuß / sonder würde gesagt haben / Das thut zu meiner leiblichen gegenwertigkeit im brot.

Zum sechsten da S. Paulus die wort des Heiligen Abendmals in einer summa erkläret / spricht er / denn so oft jr von diesem brot esset solt jr des Herrn tod verkündigen / bis daß er kompt. Diß were zumal ein seltsame erklärang der wort Christi wenn Christus hett gewolt haben sein leib were schon leiblich in das brot vnd in den mund kommen / vnd S. Paulus wolte man sol mit einem gleubigen herzen den bitteren tod des leibs Christi verkündigē / der hernach komen wird am Jüngsten tag zu richten die lebendigen vnd die todten. Nu ist es aber gewiß das eben der Geist Jesu Christi durch den Mund Pauli geredt hat : So hats auch gewißlich Christus nie anders verstanden. Denn der heilig Geist der ein Geist der Wahrheit ist / ist ihm selbst nicht zu wider. Ich weiß wol wie sie hie dem gemeinen Mann den sie mit der nasen umbfüren / einen blawen dunst für die augen machen / nemlich sprechen sie / Es ist war das S. Paulus im heiligen Abendmal sagt / Bis daß er kompt / das verstehe aber / sagt sie sichtbarlich / Bis daß der leib Christi sichtbarlich kompt. Ich frag sie aber / Der leib der vn sichtbar kommt / ist er nit eben so wol kommen / als der sichtbar kompt. Derhalben dieweil S. Paulus sagt daß wir im Nachtmal den

todi/



## Die I. Hauptursach

totdt / den Christus an seinem leib für vns gelidten / sollen verkündigen / biß das er kompt / so schleust er auß beide die sichtbare vnd vnichtbare zukunfft Christi ins brot.

Auß diesem aber das der Leib Christi im Himmel ist vnd bleibe / folgt nit / wie etliche fürwerffen / das wir seins fleisch vnd bluts nit sollen theilhaftig werden: Denn der heilig Geist kan die ding wol zusamen fügen die doch örter halben weit von einander seind. Folgt auch nit das Christus nicht soll im heiligen Abendmal sein. Denn wie er im ganzen Predigamt sein wil / also wil er auch im Heiligen Abendmal sein durch seine Göttliche gnad vnd wirkung seines heilige Geistes durch welchen heiligen Geist er vns je lenger je mehr zu gliedern seins waren leibs machet / ob schon sein leib im Himmel bleibe (da die Engel vnd seligen menschen in mit grosser freuden anschawen) vnd nicht er aber kompt wider sichtbar noch vnichtbar / biß das er kompt zu richten die lebendigen vnd die todten / wie in den geschichten der Aposteln im 3. Cap. geschriben stehet: Der Himmel muß diesen Jesum einnehmen biß auff die zeit das herwider bracht werde alles was Gott geredt hat durch de mund aller seiner heiligen Propheten von der welt an / Item Hebr. 8: Wenn Jesus noch auff Erden were so were er vnser hoher Priester nit. Denn sein ewiges Priesterthumb erfordert das er erscheine im Himmel für dem angesicht des Vaters.

Endlich schaw an die Artickel deines alten allgemeinen ungezweiffelten Christlichen glaubens / vnd bedenck ob sie auch darauf können beweisen das der Leib Christi im brot sey. Denn das etliche fürwenden / das Christus sitzet zur rechten Gottes / derhalben sey er auch im brot / ist keine be-  
weisung

Acto. 3.

Heb. 8.

welung. Denn die Artickel vnser vngezweiffeten Christli-  
chen glaubens/vnd die ganze Schrifft bezeugen daß Chri-  
stus aller erst nach seinem leiden da er gen Himmel gefaren  
sich zur rechten Gottes gesetzt hab. Nu haben wir aber kein  
ander Abendmal denn eben das / daß Christus ehe daß er  
gen Himmel gefaren vnd sich zur Rechten des Vaters ge-  
setzt het/mit seinen Jüngern gehalten. Derhalben so diene  
das siken Christi zur Rechten des Vaters sekunder so we-  
nig zu beweisen daß der leib Christi im brot sey/so wenig als  
es im ersten Abendmal Christi darzu dienete / da er noch nie  
gen Himmel gefaren/ noch sich zur Rechten des Vaters ge-  
setzt hatt / denn nit vor seinem leiden ist er gen Himmel ge-  
faren/sonder nach seinem leiden/auch nicht vor seinem lei-  
den sich zur Rechten Gottes gesetzt / sonder darnach / wie

Marc. 16.

Rom. 8.

Acto. 1.

1. 8. vnd 10.

Col. 3.

Phil. 2.

Hebr. 1.

8. v 10.

Colof. 3.

Phil. 2.

1. 8. vnd 10. Col: 3. Phil. 2. Diweil sie dann nicht kön-  
nen beweisen daß der leib Christi im brot verborgen sey/we-  
der auß den worten/Das ist mein leib zc. noch auß den nach  
folgenden worten der einsakung / noch auß den Artickelen  
des glaubens / so werden sie es gewislich viel weniger auß  
eyntiger anderer verheissung Göttliches worts können dar-  
thun: Daß Gott ihc solches verheissen hab/ Also hat Gott  
die welt geliebet daß er seinen eingebornen Sohn gab ins  
brot: Auch nit daß er seinen Son hab thun ins brot faren/  
oder ins brot gesetzt / da er in den Himmel gefaren vnd inen  
setzt zu seiner Rechten.

Nach dem ich nu auß Gottes wort erwiesen habe/daß  
diß kein warhafftiger trost sey / daß der leib Christi im brot  
soll verborgen sein / vnnnd mit dem Leiblichen mund gessen  
G werd

Die I. Hauptsach

werden (Denn er hat kein Gottes wort / sonder dargegen das wort Gottes in vnzeitigen dñen demselben von menschen erdichten trost zu wider ist) So wil ich nu fort schreiben vnd anzeigen was wir den für einen warhafftigen trost im heiligen Abendmal haben. So sagē wir rund vnd klar / daß dis vnser einiger trost sey daß gewissen wider die anflag der sünden zu stillen / daß wir dise Verheissung Gottes / vñnd in der verheissung die gabe selbst / nicht mit dem mund sonder mit einem glaubigen herzen annemen / daß nemlich Christus seinen leib für vns zu ermorden vnd sein blut für vns zuuergiessen einmal hingegeben hat / auff daß alle die drauff vertrauen eine ewige vergebung der Sünden haben.

Das heilige brot aber vnd der heilige wein die wir im Nachtmal mit dem leiblichen mund empfangen / sind so fern zu vnserm trost von Christo Jesu eingesetzt / Erstlich daß vns Christus dardurch verstehen leret / warzu sein einiges Opffer am Creuz nutz sey / Zum andern auch versichert dieses einigen trosts den wir in der Creuzigung des Leibs Christi vñnd vergießung seins bluts haben. Wie wir aber diß verstehen daß der glaub all seinen trost in dem gecreuzigten Christo finde. Zum andern auch wie derselbig trost den gläubigen durch den brauch der Sacrament eingebildet vnd versichert werde / wollen wir so tröstlich als vns Gott gnad verleihet / auß Gottes wort erklären. Vnd anfänglich / daß wir leren daß der glaub all seinen trost das gewissen wider die anlag der sündē zu stillen / in dem opffer Jesu Christi am Creuz finde / vñnd daß der glaub stracks auff das leiden Christi seht sol / wie auch S. Paulus sagt 1. Corin.

Corinthern am 2/ Ich hielt mich nicht dafür/ daß ich etwas wüßte vnter euch denn allein Jesum Christum/ vnd ward den gecreuzigten/ Diß sag ich/ verstehen wir also. Zum ersten/ daß Christus warer Gott vnd Mensch den gläubigen im ganken Predigampt im wort vnd Sacramenten darumb verkündiget wurde/ daß er ganz vnser eygen sey/ zur vergebung der sünden vnd ernewrung zum Ewigen leben. Demnach aber müssen wir wissen wie er vns zur ver- sönung oder verzeihung der sünden vnd Ewigem leben vom Vater geschent sey. Denn wie die Donatio oder die schenckung Christi ist/ also muß auch der glaub daß ge- schent/ nemlich/ Christum selbst annemen. Die Donatio aber/ oder das geschent des leibs Christi/ ist/ Daß er sei- nen leib in den tod gibt zur vergebung der sünden vnd ewi- gem leben/ allen die mit einem waren vertrauen diß ge- schent annemen/ vñ ist nit diß die Donatio oder geschent daß er seinen leib vns in den mund oder in vnsern leib gebe.

Also beschreibet Gottes wort die Donatio oder das geschent des leibs Christi/ vnd meldet nit das dz es ein ge- schent des leibs Christi sey in dem mund/ sondern in dz tod als Johannis am 3: Also hat Gott die Welt geliebet daß er seinen eingebornen Sohn gab/ 2c. Wohin? in den tod. Item Christus Johannis am 10: Ich geb mein leben für meine Schaff/ 2c. Wohin? in den tod. Römern am 8: Wel- cher auch seines eigen Sohns nicht hat verschonet / son- der hatt in für vns alle dahin gegeben/ Wie solt er vnns mit ihm nicht alles schencken? Dahin weist auch das A- bendmal mit hellen vnd klaren Worten/ Das ist mein Leib der für euch gegeben wurde/ Das ist mein Blut das

Die I. Hauptursach

für euch vergossen wird. Derhalben gleich wie das geschenck also gestalt ist/ daß Christus vns geschenckt wird in den tod/vergebung der sünden vnd den heiligen Geist vns zu erwerben vnnnd zu geben/ So muß auch der glaub Christum also annemen / nit daß du glaubest daß sich Christus vns in den mund schencke/ sonder sich in den tod geschencke hab / vnd durch das geschenck vns noch täglich die sünden vergeb/durch den heiligen Geist vns she lenger she mehr zu seinen gliedern anneme/ vnd endlich dasselbige leben vnnnd herligkeit in vns wücke/die in Christo Jesu selbst ist. Heb an von der Sendung Jesu Christi in dise welt/ so wirstu sehen das es alles gehet auff die hingebung des leibs Christi in den tod. Warum hat er an sich genommen vnser fleisch vnd blut? Ist nicht darumb / auff daß er durch den tod vberwünde den Herren des tods Hebr. 2. Warum müste er one Erbsünd sein? Vom heiligen Geist empfangen/vff sein lebenslang gerecht vnd rein sein nach dem gesetz Gottes? Ist nicht darumb auff daß das opffer heilig vnd rein were/nit für seine sonder für frembde schuld/ Hebr. 4. vnd Esai. 53. 7. Item Esai. 53. Warum mußte er zu gleich warer ewiger Gott sein? Ist nicht darumb auff daß das opffer vnnnd geschenck in de tod/löstlich were zur bezalung für aller auß-  
 Acto. 20. erwelten schanden vnd sünden: Act. 20. vnd daß er durch die vnentliche krafft seiner Gottheit den vnaussprechlichen zorn Gottes an seiner menschheit ertragen/ vns den heiligen Geist vnd ewiges leben erwerben vnnnd schencken möcht Esai. 42. Jere. 23. Demnach/daß wir durch den H. Geist Christo Jesu eingeleibt vnnnd also seiner aufferstend-  
 Esai. 42. Jerem. 23. nuff/Himmelfart vnd herligkeit theilhaftig werden/hat  
 dis

dis nit alles seinen vrsprung auß dem leiden Christi: durch welches leiden die sünd welche vns an der seligen aufferstentnuß vnnnd Himmelfart hinderet / hinweg genommen vnnnd der lebendmachend Geist vns erworben vnnnd nach seiner aufferstentnuß vnnnd Himmelfart die gaben außgossen seind / die er vns so thewr am Creus erworben hat. Auß disem zu sehen ist / wie das der grund vnnnd brun alles trostes allein in dem hingeben des leibs Christi in den tod / vñ nit in dem geben seins leibs in vnsern mund gelegen ist.

Lasset vns nu auch zum andern auß Gottes wort darthun / wie eben der selbige trost durch den brauch des heilige Abendmals den gläubigen eingebildet vnd versichert werde. Denn erstlich leret er vns gar tröstlich in dem er das H. brot seinen gecreuzigten leib vnd den heiligen wein sein vergossen blut nennet / das wie brot vnd wein nit speisen man niesse sie den / also ob schon der einmal hingegabner leib Christi vnd einmal vergossen blut eine gnugsame bezalung ist allen Menschen die sünde zu verzeihen vnd ewige seligkeit zu erwerben / nit desto weniger werden keine andere derselben theilhafftig den die mit irem hertzen auff den gecreuzigten Christum vertrauen vnd drauff beruhen. Den was das essen vnd trincken brots vnnnd weins dem eusserlichen Menschen thut / das thut der glaub an den gecreuzigten Christum dem innerlichen Menschen.

Zum andern / hat auch Christus das heilig brot vnnnd den H. wein also zu vnserm trost eingesezt / das er vns das mit vergewisset / das vns das heilig brot vnd wein so eine gewisse gedechtnus vnd vrlaud sein sollen / als wen er einem jeden ein besonder zeichen auß dem Himmel gebe / das

## Die I. Hauptvrsach

ihm durch das vertrauen auff seinen einmal gecreuzigten  
leib vnd einmal vergossens blut in ewigkeit alle sünden ver  
ziehen seind vnd verziehen bleiben / zu dem / daß wir durch  
den heiligen Geist zu gliedern Christi angenommen seind /  
vnd ihē leger ihē mehr in eingeleibt werden / vnd endlich  
in gleichförmig sein werden in der ewigen klarheit vñ herr  
lichkeit / so gewiß als wir dise gedechtnus vñnd versigung /  
das heilig Brot vñnd tranck drauff empfangen biß daß er  
kompt. Ist diß ein kleiner trost daß das Heilige brot dir so  
ein gewisses pfand ist / daß Christus für dich gecreuziget zc.  
als weñ dir Gott ein besonder zeichen auß dem Himmel  
drauff gebe. Wenn dir Gott ein besonder zeichen auß dem  
Himmel gebe / wenn dein gewissen angefochtet werde / daß  
dir deine sünden vergeben seind ja deren nimmermehr wil  
gedencken / von wege des einigen opffers Christi am creuz  
welches er dir zu eigen gescheneckt hat / als hettestu es alles  
1. Cor. 5. ähñ deinem einigen leib gelitten / woltestu damit nit zu frie  
2. Cor. 6. den sein. Du ist es aber gewiß daß Gott im heiligen Abend  
mal das brot zu einem zeichen gleich als auß dem Himmel  
verordnet hat. Denn ist es war daß Christus von dem heil  
tigen Lauff Johannis sagt (welches der eusserlich wasser  
tauff war wie Johannes selbst sagt: Ich tauff mit was  
ser zc.) daß er auß dem Himmel sey / Warumb sollen wir  
auch nit glauben daß dise heilige gedechtnus nemlich das  
heilig brot vnd wein von dem Sohn Gottes selbst der auß  
dem Himmel zu vns kommen vnd vns diß verordnet / vns  
ein H. zeichen sey / vom Vater auß dem Himmel durch sei  
nen Sohn eingesezt / vns künde zu thun vnd zu vergewis  
sen seiner ewigwerenden lieb / daß er vns also geliebet hat  
daß

daß er seines eingebornen Sohns nit verschonet hat / sonder denselbigen für vns alle dahin gegeben / nemlich / nit in den leiblichẽ mund / sonder in den bittern Tod / auff daß alle die an In glauben nicht verloren werden / sonder das ewige leben haben.

Zum dritten / hat auch Christus das H. gebrochen brot vñ wein also zu vnserm trost eingesezt / daß sie vns ein sichtbarer End Gottes sein sollen / dabey vns Gott schweret dz der ewige fried zwischen Im vnd vns gemacht sey / vnd daß die gedechtnus vnserer Sünden gar aufgetilget sey / als wenn wir nithe keine gethon hetten / vnd daß er vns durch den H. Geist erneweret vñnd zu gliedern seins Sohns Christi angenommen vnd vns die herligkeit vñnd ewiges leben geschenckt hab / nicht vmb einiges vnseres verdienst willen / sonder auß lauter lieb vmb des verdienst Christi willen / in dem er durch die einige hingebung seines Leibs in den Tod vnd vergießung seines Bluts die feindschafft in ewigkeit hinweg genossen / vnd vns ewige erlösung erworben hat. Dargegen schweren wir auch Gott so offft wir das Abendmal halten / daß wir solches geschenck mit gläubigem hertzen anemmen / vnd se lenger je mehr durch die krafft des tods Christi der sünden absterben vnd vns mit leib vnd seel dem Herrn Christo ergeben / wiß das reich des teuffels welches ist ein reich aller abgötteren / schandẽ vnd laster streitten wölle.

Daß aber das Abendmal ein sichtbarer end Gottes sey den Gott dir schweret / ist erstlich auß der einsetzung des Abendmals zu beweisen: Den Christus sagt / diser kelch (oder diser wein im kelch) ist der neue bund in meinem blut welches für euch vñnd für viel vergossen wirdt zur vergebung

der

Ierem. 31.

1. Cor. 11.

Coloff. 2.

Hebr. 9.



## Die I. Hauptsach

der sünden. Nu aber ist es gewiß daß wo die H. Schrifft von dem Bund Gottes (Denn daß wörtlein Testament heist so vil als ein Bund) meldung thut/so verstehet sie den Eynd Gottes/damit er vns seine gnad verheisset/ vnd sich also vns verbindet/ den kein ding fester bindet den der Eid. Lasset vns besehen etliche zeugnus der Schrifft. Bey dem Propheten Esaias 54. spricht der Herr zu der kirchen die er durch das leiden Christi erlöset hat: Solchs soll mir sein wie das wasser Noach da ich schwur/das die wasser Noach sollen nit mehr vber den Erdboden gehen: Also hab ich geschworen daß ich nicht vber dich zürnen noch dich schelten wil. Denn es sollen wol berge weichen/ vnd högel hinfallen/aber meine gnad vnnnd der Bund meines friedes sol nit hinfallen spricht der HERR/ Dein Erbarmer. In disem spruch ist zu mercken/ daß da die Schrifft im ersten Buch Mosis sagt/ daß Gott seinen bund auffrichtet mit Noach vñ den regenbogen zur gedechtnus vñ zeichen dises bunds verordnet/ erkläret Gott disen bund durch den Propheten im obgemelten 54. Capit. vnd nennet ihn den Eynd den er schwur dem Noach. Also neñet er auch im selbigen 54. cap. den Eid den er vns geschworen hatt/ seinen Bund des friedes den er mit vns gemacht hat in dem leiden Christi/ welchs zu vor der Prophet beschrieben hat im 53. Cap. Zu andern/da Gott seinen bund macht mit Abraham Genes. im 15. vnd 17. erkläret es die schrifft im 24. Cap. vnnnd sagt das Gott geschworen hab/so doch nar das wort Bund im 15. vnd 17. Cap. gemeldet wird: Wie auch im newen Testament Zacharias S. Johannis des Teuffers Vater disen Bund Gottes durch den Eyndschwur erkläret / Luce.

am 1. Cap. da er sagt/ Das Gott gedacht hat an seinen heiligen Bund nemlich/ den Eid den er geschworen hat vnserm Vater Abraham vns zu geben / Das wir erlöset auß der hand vnser feinde im dieneten one fürcht vnser lebēlang in heiligkeit vñ gerechtigkeit die im gefellig ist. Darauß schließ ich / dieweil der sichtbar Wein der Bund Gottes genant wird/ vñnd aber der Bund eben der Eid Gottes ist/ so muß folge das der h. sichtbar wein vns ein sichtbarer eid Gottes ist / damit er seinen Bund der gnaden mit seinen gleubigen vor iren augen erfrischet/ besieglet vñnd in stätiger gedechtnuß behelt/ Wie auch S. Augustinus recht sagt: Ein Sacrament sey ein sichtbar wort. Derwegen was der Eidschwur Gottes durch vnser ohren dem herzen fürtreget/ vñnd zusagt eben das sagt Gott durch vnser augen dem herzen zu/ durch diesen sichtbaren Eid/ nemlich/ das heilig Abendmal.

Zum vierten tröstet vns das Nachmal dieweil es Eucharistia ist/ das ist/ zur dancksagung eingesetzt: Damit bekennen vñnd bezeugen wir das wir die gaben besitzen vñnd schon haben. Denn für ein ding das man nit hat kan man nit von herzen dancksagen. Denn das Abendmal nit darumb allein ein dancksagung genant wird / das wir nach der empfangung Gott sollen dancken / sonder viel mehr vñnd eigentlich darumb das die ganze vbung das essen vñnd trincken selbst ein offentliche dancksagung sey für die wolthat das der Himlisch Vater seinen Sohn für dich in den todt gegeben vñnd dir alle deine sünden vergeben hat. Derhalb haben dieweil Gott wil das du im mit dieser that danckest/ so wil er auch dz du mit der empfangung des heiligen Abends

## Die I. Hauptursach

mals deinen glauben also befestest das du schon gewiß habst die gab da für du danckest.

Auß diesem zusehen ist/ daß der ware trost im H. Abendmal gar vñ ganz auff das leiden Christi gegründet ist/ vnd derwegen so viel als man dir das herz zeugt zu einem verborgenē leib im brot/ so viel zeucht man dir das herz ab von dem einigen leiden Jesu Christi / daran es doch allein hangen sol. Vnd ist wol zu erbarmen daß der leidige Teuffel vil tausent mensche so jämerlich verzauberet/ daß sie nur dapsfer fort faren/ in fressen/ sauffen/ gottseftung vñ andern schanden / vnd meinen es sey eben gnug / daß sie einmal im jar den bettel all außpurgiren/ vnd brauchen das h. Abendmal wie ein purgax oder pillulen/ gedencen/ der leib Christi sey im brot verborgen vñnd wollen ihn also einschlicken/ er werde sie wol purgiren/ er sey doch allmechtig vñnd stercker denn aller vnflut vñnd schanden/ die noch in ihnen stecken. Darnach haben sie abermal ein Jar frist fort zu fahren in allen schanden/ ja alle vnsteterey in sich zu schlicken / vñnd darnach vber ein jar abermal also zu purgiren: So doch Gottes wort sagt in den Geschichten der Apostelen im 15. cap: Durch den glaub werden die herze gereiniget. Nu istts aber gewiß daß der glaub fasset die reinigung von sünden anders wo nit / denn in dem leiden Jesu Christi/ wie auch der Apostel Paulus leret im 3. vnd 4. Cap. an die Römer. Vnd ist diß kein warer glaub der das herz nit von schanden vnd lasteren zu Christo bekeret. Die Sacramenta aber seind nit purgaxen / als solt der leib Christi vnd vergebung der sünden (welche vom leib vnd blut Christi nit kan abgesündert werden) drinn verborgen sein/ wie die krafft in den pillulen  
ver

Aff. 15.

Rom. 3.

o 4.

verborgt ist/ sond wie S. Paulus leret es seind sigell der ge  
 rechtigkeit des glaubens. Du stehet aber die gerechtigkeit des  
 glaubens in dem leiden vnnnd gehorsam Jesu Christi/vnnnd  
 hat der glaub die gerechtigkeit des leidens Jesu Christi im  
 herzt auch ehe das der gleubige die Sacramenta empfang/  
 wie S. Paulus krefftiglich beweiset im 4. Cap. an die Ro  
 mer. Derhalb seind die Sacramenta nit drumb von Gott  
 eingesezt das sie das herz von sünden purgieren/welches  
 zuuorn muß geschehen sein durch die krafft des leidens Jesu  
 Christi in warem glauben/welches allein die krafft hat  
 von allen schanden vnd sünden zu purgieren/alle die so diese  
 Arzney des köstlichen leidens Christi/nit mit dem leiblichen  
 mund/sonder mit einem herzlichen vertrauen annemenz  
 Die Sacramenta aber sollt nichts destoweniger gebraucht  
 werden/wie Abraham gethan hatt/darzu sie Gott hatt ein  
 gesezt/nemlich/als heilige sigill vnd warzeichen/das wir  
 so gewiß sollen sein der gerechtigkeit die wir empfangen ha  
 ben durch den glauben auff den gecreuzigten Christum/so  
 gewiß wir diese sichtbare pfand vñ gedechnuß gebrauchen.  
 Auch das wir herwiderumb dardurch vnsern glauben be  
 kennen/vnd vns Gott dem HERN verpflichten/von  
 schanden vñ sünden vns zu jm bekeren/vñ nit fort zu faren  
 in einem wüßt veruchten leben/noch sich auff seine abgöt  
 tische purgation zu verlassen. Zu dem ist da auch kein wa  
 rer glaub/da der mensch nach wie vor/in schanden fort fä  
 ret/sonder nur ein eiteler woht damit sie der Sathan ver  
 zaubert/als hetten sie einen grossen starcken glauben. Denn  
 wo ein warer glaub ist/helt er sich fest an dem leiden Chris  
 sti/wo aber das leiden Christi ist/ist es nicht müßig/sonder

Rom. 4.

Rom. 4.

Genes. 17.

### Die I. Hauptur. alles irthumbs im Abend.

tddeet die sünd je mehr vnd mehr.

Diweil wir nu gehört haben / wie vns Christus durch  
 sein heilig Abendmal vnnnd andere Sacramenta zu seinem  
 heiligen leiden füren / vnd vnser herz drauff gründen wil:  
 Dargegen auch wie listiglich die alte Schlang eben durch  
 das heilig Abendmal (wie auch durch die andere Sacra-  
 ment) die leut von dem leiden Christi vnterstehet abzufäh-  
 ren / vnd die verfluchte alte Schlang den kopff / der jr durch  
 das leiden Christi zutretten wird / vnter der verwunten fer-  
 sen Christi allzeit aufwinden / oder außschlupffen wil / auff  
 daß die Menschen anders wohin jr vertrauen setzen / denn  
 auff das leiden Jesu Christi / vnnnd also in jren sünden ster-  
 ben vnd verderben / welche durch kein ander ding vnter der  
 Sonnen können verziegen werden / denn durch das bitter  
 leiden Christi / so man in seinem herzen drauff vertrauet /  
 So wollen wir Gott den Himlischen Vater bitten / daß  
 er durch seinen heiligen Geist vnser herzen in der waren  
 erkantnuß Jesu Christi je lenger je mehr stercken wolle / vnd  
 vns vor der argen list der alten schlangen behüten / daß er  
 auch allen denen die noch in der finsternuß der Abgötterey  
 vnnnd irthummen stecken / auffgehen lasse das liecht seiner  
 ewigen warheit / vnd den lesterern der warheit die nit  
 wissen was sie thun / verzeihen wolle durch

Jesum Christum vnsern

HERN /

A M E N.

